

Conciones

V. b. 364.

Fcol. 4895

Sokolovii Stanislawi Compromissum sine pte Dote
eclésiastica et hereditate Chrostki D. Or-
dines Poloniar Regni Concio.

Orac. in off. Lazari. 1582.

Biblioteka Jagiellońska.




V. b. 364.




4468

CIMELIA

XI, 4. 70.





COMPOSITIO

SIVE

PRO DOTE ECCLESIA-
STICA ET HÆREDITATE
CHRISTI AD ORDINES
POLONIÆ REGNI,

STANISLAI SOCOLOVII

Concio.



CRACOVIAE,

In Officina Lazari: Anno Domini,

M. D. LXXXII.

IN STEMM A
 ILLVSTRISSIMI AC REVE-
 RENDISSIMI PRINCIPIS, ET DOMINI
 D. Stanislai Karnkovski, Dei gratia Archi-
 episcopi Gnesnensis, Legati Nati, ac
 Regni Polonię Primatis, & pri-
 mi Principis.

Cim. Qu. 4468

BIBLIOTE. UNIV.



*Ut sua, scq., agnus domino persoluit alenti,
 Conservatori Præsul & iste Deo;
 Sic iustus oneret decimis altaria Dñum,
 Qui metuit dici quàm fera deterior.*

B. G. *(olwisk.)*
 42

AD ILLVSTRISSIMVM
ET REVERENDISSIMVM

*Stanislaum Karnkouium, Archiepi-
scopum Gnesnensem, Primum
Regni Principem*

PRÆFATIO.



DE COELESTI
Hierusalem vnica spon-
sa Iesu Christi Ecclesia
Dei, nuper ad Serenif-
simum Regem meum
libros aliquot, necdum
à nobis editos, conscri-
psimus; quænam, inquam, & qualis illa sit,
vbi inueniatur, quibus signis & indicijs à
falsis & eumentis Ecclesijs distinguatur.
Nunc de eius dote & hæreditate, quasi con-
tinua serie, ad te amplissimum Archipræsu-
lem aliquid hoc tali tempore conscriben-
dum putauimus: id autem potissimum eo
animo, quòd non ignoramus, vt quondam
de vestimentis IESU CHRISTI in cruce pen-
dentis; ita nunc in his Comitijs de sorte &

A ij

possessi-

PRÆFATIO.

possessione illius, infinitas contentiones, pugnas atque rixas futuras, fortemque super illam cum militibus illis, auaros & egentes homines missuros; qua sublata, religionem vniuersam, fidem christianam, cultum diuinū, decorem domus Domini, doctrinam, scholas, humanitatem, elegantiam denique omnem publicè atque priuatim auferri oportebit, ipsamque Ecclesiam Dei in hac republi. labefactari necesse erit: non enim altare sacerdotem, non cathedra doctorem, non chorus cantorem, non schola magistrum, non aula ipsa scribam, non respub. sua ornamenta habebit; nam & isti catelli de huius sponsæ micis in hac reipub. paupertate viuere atque educari solent: sed & isti ipsi sorte domini non amplius ditabuntur, ex obscurisque clari euadent. Quod igitur præsentis viua voce, nisi aduersa valetudine impediti fuisset, facere debebamus; id absentes iuxta Græcorum prouerbium κατὰ δευτέρου πλοῦς hoc est, remis, ubi velis non licet, nauigantes, quod Isocratē aliquando

liquando fecisse legimus, scripto præstare
 volumus. Vbi quæ sint partes eius compo-
 sitionis, quæ dos Ecclesiastica, quod illius
 ius & æquitas, Verbo Dei, recta ratione,
 omnis vetustatis ac sanctorum patrum te-
 stimonijs, rudiorum causa clarè & simpli-
 citer docemus. Ad te autem potissimum
 Reuerendissime Antistes, eam nostram com-
 mentationem mittimus: vel quòd primus
 eius ipsius pulcherrimæ mulieris in regno
 hoc sponsus & tutor sis: vel quòd omne
 certamen, pro eius dote & hæreditate ad
 te primò & præcipuè pertineat, vt qui & in
 clero regni huius supremus sis Pontifex, &
 in republica Primus Princeps; vnaq. manu
 Ecclesiam Dei, altera rempub. ipsam tene-
 as, ac quasi in complexum vtraque addu-
 cas: vel quòd in tali tempore sub tuum ve-
 xillum omnes qualiacunq. arma & præsi-
 dia ferentes, se referre ac confugere oport-
 eat: Ociosum autem ea tempestate Ecclesia-
 sticum hominem esse, nullo modo conue-
 niat. Hæc autem qualiacunq. sunt ad te fe-

ro.: non vt aliquid splendoris nomini tuo
 addam, quod & sponte sua clarissimum
 est, & longè disertiores præcones habet, &
 quod seipsum cum amplissimo magistratu,
 tum præstantissimis rebus gestis, doctissi-
 misque scriptis ac cogitatis, abundè com-
 mendare potest; sed vt debito officio meo
 satisfaciam, ac pensum quodam modo per-
 solvam. Tu enim studiorum meorum ali-
 quando magnam partem adiuuisti: tu me
 vnà cum amplissimo Cancellario, magno-
 que belli Duce ZAMOISCIO, de manu tua
 Regi meo tradidisti: tu vsque adhuc amas
 & quantum potes ornas. Verùm non me
 solum, sed & omnes alios, in quibus modò
 aliqua sit significatio virtutis atque indu-
 strie. Itaque omnes boni, omnes artium
 bonarum studiosi ad te currunt, te appel-
 lant, apud te virtutis & industrie sue, tutis-
 simum portum & requiem constitutam es-
 se putant, te parentem, patronum, mœce-
 natem laudant. Verùm hæc ipsi illi meliùs
 prædicent. Nunc te ipsum Antistes Illustris-
 sine

PRÆFATIO.

sine erige atque excita: ac quantum tibi
 certamen pro dote & hæreditate Ecclesię
 Iesu Christi tali tempore incumbat, diligen-
 ter circumspecte. Nunc tuum tibi prop-
 rium campum apertum putes: nunc illud ro-
 bur neruumque insuperabilem animi tui,
 industrię, doctriņę, vigilantię, studij, dili-
 gentię, perennis cuiusdam animi sollicitudi-
 nis, quibus quondam omnia cedere sole-
 bant, quibus omnia superasti, intende. Nunc
 te virum demonstra, atque hac ratione sem-
 piternum monumentum glorię, ac immor-
 talitatis tuę, ad omnem posteritatis memo-
 riam erige. Ad quam rem rectę perficien-
 dam, mittat tibi Dominus auxilium de san-
 cto, & de Sion tueatur te: memor sit om-
 nis sacrificij tui, & holocaustum tuum pin-
 gue fiat: tribuat tibi secundum cor tuum,
 & omne consilium tuum confirmet. Vale
 diu felix, & viue Ecclesię Dei & reipublicę
 tuęque immortalitati, sed & Socolouio.
 Dat. Cracouię 18. Septembris. Anno Do-
 mini, 1582.

REDDITE ERGO QVÆ SVNT
CÆSARIS CÆSARI, ET QVÆ
SVNT DEI DEO. *Matth: 22.*

COMPOSITIO

SIVE

PRO DOTE ECCLESIASTICA

& hæreditate Christi, ad Or-
dines Regni

Stanislai Socolouij Concio.



COMPOSITIONIS

diu multumq; à vobis iacta-
tæ ac compellatæ causa, hoc
autem est, pacis, quietis, et
tranquillitatis, quæ per tot
annos, errore ac malitia,
inexplebiliq; improborum ho-
minum cupiditate perturba-

ta sunt, cum Deo, Ecclesia, ordineq; ecclesiastico re-
cuperandæ gratia, vos huc frequentes undiq; con-
fluxisse audio, atq; etiam gratulor. Quod si verè &
ex animo sine fūco & fallacijs fit; rem magnam &
pulcherrimam aggredimini; ut, qua nulla neq; vti-
lior, neq; iucundior, neq; magis aut Ecclesiæ Dei,
aut ipsi reipublicæ necessaria esse potest. Ecce enim
quàm bonum & quàm iucundum, habitare fratres
in vnum. Sicut vnguentum in capite: quod de-
scendit in barbam barbam Aaron. Quod descen-

psal: 132.

B

dit in

COMPOSITIO.

dit in oram vestimenti eius; sicut ros Hermon, qui descendit in montem Sion. Quoniam illic mandavit Dominus benedictionem, & vitam usque in seculum. Si verò fictè & simulatè id aggredimini, ut ore quidem benedicatis, corde autem maledicatis; ut pacem quidem loquamini cum proximo vestro, mala autem sint in cordibus vestris; ut molli sint sermones vestri super oleum, ipsi autem sint iacula, quò ordo Ecclesiasticus labefactetur, ac corruat, religio Christiana extinguatur, Deus ac Christus eius ex sorte hæreditatis suæ exturbetur, & de medio vestrum auferatur; tum quantò mitiori & splendidiore vocabula usurpatis, tantò illustrius fallitis, vosq; primum ipsos, deinde alios omnes decipitis: tantoq; & apud Deum & apud homines, maius impietatis et improbitatis iudicium referretis; ut filij desertores sitis: ut faciatis consilium, sed non ex Deo, & ordiamini telam, & non per spiritum eius: ut addatis peccatum super peccatum: quæ consilia nunquam prosperari poterunt. Verùm cum id de vobis gente illa, quæ nunquam in corde & corde locuta est, suspicari non liceat: apud quam mentiri crimen summum semper habitum est: apud quam simulatio scelus est: quæ sola simplicitate & veritate omnes quondam superabat gentes: cuius proprium decus & insigne, ac veluti peculiare emblemata, veritas fuit semper; ideo omissis sinistris omi-

fris ominationibus, ad doctrinam nos referimus, ac in quo fundamentum et summa eius Compositionis constituta sit, propter rudiores, paucis & simpliciter doceamus. Est autem totius causæ summa & fundamentum, illud ipsum Christi Domini æterni & cælestis magistri, cui omnis creatura, ratione prædita, meritò obtemperare debet, decretum: REDDITE IGI- TVR QVÆ SVNT CÆSARIS CÆSA- RI, ET QVÆ SVNT DEI DEO. Nam cū teste Platone, omnis dissensio, pugna, bellum, rixa, ex differentia illarum duarum vocum, Mei, inquam, atq; Tui nascatur; qui eorum discrimen sustulerit, ille facile pacem, tranquillitatem, & omnem quietem rebus restituet, omnemq; dissensionem componet: ac ad optatum finem res deducet. Et quæ sint quidem Cæ- saris, non ignoratis: Dei item omnia nostræ sunt; quæ autem Antistitibus, sacerdotibusq; vestris, cum quibus pax est facienda debeat, paucis accipite.

P*rimū igitur non ignoratis: Pontifi- ces atque Sacerdotes Præpositos ve- stros esse. Obedite, inquit Paulus, præposi- tis vestris, & subiaceate eis. Ipsi enim perui- gilant, quasi rationem pro animabus ve- stris reddituri, ut cū gaudio hoc faciant, & nō gementes. Hoc enim non expedit vobis.*

Hæbre: 13.

1. Cor: 4.

Idem sunt parētes spirituales vēstri. Nam si, *inquit Paulus*, decem millia pædagogorum habeatis in Christo; sed non multos patres. Nam in Christo Iesu, per Euangelium ego vos genui.

Esaie 32.

Reddite igitur illis obedientiam, subiectionem, fidem filiorum: reddite honorem & reuerentiam subiectorum: & erit opus iustitiæ, pax, et cultus iustitiæ, silentium, & securitas usq; in sempiternum. Cur ita? reddetur enim quæ Cæsaris sunt Cæsari, quæ Dei Deo.

Hebræ: 5.

Einde, omnem Pontificem atque Sacerdotem ex hominibus electū, pro hominibus constitui, vt sit in his quæ sunt ad Deum, *docet Paulus*; vt offerat dona & sacrificia pro peccatis. Qui condolere possit ijs, qui ignorant & errant: quoniam & ipse circumdatus est infirmitate: & propterea debet, quemadmodum pro populo, ita etiam pro semetipso offerre pro peccatis.

Restituantur ergo Antistitibus & Sacerdotibus aræ, sacra vasa, sacræ item vestes, templa, quæ impietate & auaritia hominum occupata ac profanata,

COMPOSITIO.

nata, per furtumq; & sacrilegium conflata et conu-
sata sunt: & sic compositio cohercet. Ita enim quæ
sunt Cæsaris reddentur Cæsari, quæ sunt Dei Deo.
Cum alia intione non modo non Compositionem ali-
quam vobiscum facere, sed neq; sacerdotes aut pon-
tifices ullo modo esse poterunt; nisi fortè tales quales
in Comædia aut Tragædia fieri solent.



Einde Pontifices atque Sacerdotes
Doctores sunt; ut doceant, eorum est
officium. Eunt, inquit, in mundū Marci 16.

uniuersum, prædicare Euangelium
omni creature. Qui crediderit & baptisa-
tus fuerit, saluus erit: qui verò non credide-
rit, cōdemnabitur. Eunt ergo docete om- Matth: 28.
nes gentes, baptisantes eos in nomine Patris
& Filij, & Spiritus sancti: docentes eos ser-
uare omnia quæcunq. mandavi vobis. Et
ecce ego vobiscum sum omnibus diebus,
vsque ad consumationem seculi.

Restituantur ergo illis sue cathedræ, atq; pulpita,
quæ nunc homines profugi atq; extorres, cerdones, su-
tores item, carnifices ad extremum occuparunt: &
sic restituentur Cæsari quæ sunt Cæsaris, quæ Dei
Deo: pax erit, tranquillitas restituetur.

B iij

Amplius

1. Pet: 5.

Amplius Pontificum & Sacerdotum munus est, pascere populum: docet hoc Petrus. Seniores ergo, qui in vobis sunt, obsecro, consenior & testis Christi passionum, qui & eius, quæ in futuro reuelanda est, gloriæ communicator: pascite qui in vobis est gregem Dei, prouidentes non coactè, sed spontaneè secundum Deum: neque turpis lucri gratia, sed voluntariè: neque ut dominantes in cleris, sed formæ facti gregi ex animo. Et cum apparuerit princeps pastorum, percipietis immarcescibilem gloriæ coronam.

Restituantur ergo nobis nostræ oues, quæ nunc vel sine pastoribus sunt, vel lupis pascendæ commissæ & concreditæ sunt: et, ut cum Rege illo dicamus, Date nobis animas, cætera tollite vobis: & sic Compositio fiet. Tunc enim restituentur ea, quæ sunt Cæsaris Cæsari, quæ Dei Deo.

Ad hæc Pontificum atque Sacerdotum officium esse, iudicare inter lepram et non lepram, inter sanum & ægrum, docet scriptura. Si difficile & ambiguum apud te iudicium esse prospexeris inter sanguinem

guinem & sanguinem, causam & causam,
lepram & non lepram, & iudicum inter por-
tas tuas videris verba variari, surge & ascen-
de ad locum quem elegerit Dominus De-
us tuus: veniesque ad Sacerdotes Leuitici
generis, & ad iudicem qui fuerit illo tempo-
re: quæresque ab eis, qui indicabunt tibi
iudicij veritatem. Et facies quodcunq. di-
xerint, qui præfunt loco, quem elegerit do-
minus, & docuerint te iuxta legem eius, se-
querisque sententiam eorum, nec declina-
bis ad dexteram, neque ad sinistram.

*Restituatur igitur Antistitibus, Præbyteris sua
iurisdictio, suum tribunal: qua leprosos à mundis, sa-
nos ab ægris, peccantes ab innoxijs segregent & ex-
communicent: & sic pax cohærebit. Tunc enim resti-
tuentur ea, quæ sunt Cæsaris Cæsari, quæ Dei Deo.*



*A*mplius Pontifices & Sacerdotes de
sorte sunt Iesu Christi, indeq. Clerici
vocantur, quasi sortis Iesu Christi
homines: atq. ubi consecrantur atq. initian-
tur, illa usurpant verba: Dominus pars hæ-
reditatis mee; ille restituet hæreditatem me-
am mihi.

Resti-

Restituatur ergo illis sors & hereditas Domini: hoc autem est, bona Ecclesiastica, decimæ, quæ per auaritiam & cupiditatem iniquissimorum hominum hætenus retenta sunt: & ita Compositio pulchrè cohærebit. Tunc enim restituentur quæ sunt Cæsaris Cæsari, quæ Dei Deo.

QVI Decimarum sortisq; & hereditatis Domini articulus, cum latissime pateat, cumq; omnibus hæresibus, quantumvis inter se diuersis & pugnantibus, oculosq; sibi confodientibus, sit communis: et cum in hoc ipso solo Catholici ipsi, hæretici quodammodo sint, cum hæreticisq; conueniant; ut Christum scilicet ex bonis suis excludant; ut Sacerdotū victum auferant, et ne quid cuiquam reddant; commixti enim sunt inter gentes, & didicerunt opem eorum: ideo quæ sit vis, quodius, quæ æquitas decimarum, paucis expendamus.

Primum igitur constat Decimas, neq; Imperatorum, neq; Regum, neq; cuiusquā mortalium primū donū aut sanctum esse; sed ipsius Dei præpotentis, primi & summi rerum omnium Domini & possessoris, inuentum atque largitionem: qui eas seruis & ministris suis, cultus & seruitij sui causa;

causa, æternis addixit temporibus. Privilegia verò decimarum, non in illis primo humanis legibus aut institutis contineri; sed in ipsis diuinæ legis omnibus partibus; Naturæ, inquam, lege primum, deinde veteri scripta, post in ipso Iesu Christi Euangelio. Primum Privilegium in lege naturæ fuit, in primis filijs Adæ; Abele inquam & Caino: quam rem in hunc modum narrat scriptura. Adam verò cognouit uxorem suam Heuam, quæ Genes: 4.
concepit & peperit Cain, dicens: Possedi hominem per Deum. Rursumque peperit fratrem eius Abel. Fuit autem Abel pastor ouium, & Cain agricola. Factum est autem post multos dies, ut offerret Cain de fructibus terræ munera Domino, Abel quoque obtulit de primogenitis gregis sui, & de adipibus eorum: & respexit Dominus ad Abel, & ad munera eius. Ad Cain autem, & ad munera illius non respexit.

Ubi cum non plenè nec ex animo ea quæ debebantur Domino reddidisset Cain: sic enim dicit Scriptura: Nonne si benè egeris, recipies: sin autem malè, statim in foribus peccatum aderit?

Irene: lib: 4.
cap: 34.

ideo reprobatus & reiectus est; ideo illud audit: maledictus eris super terram: cum operatus fueris super terram, non dabit fructus suos. *Hæc q; prima præuaticatio, prima q; pæna & punitio post originis peccatum in mundo existit. Quod ita esse vetustissimus docet Irenæus:* Ab initio enim respexit Deus ad munera Abel, quoniam cum simplicitate & iustitia offerēbat; super sacrificium autem Cain non respexit, quoniam cum zelo & malitia, quæ erat aduersus fratrem, diuisionem habebat in corde: quemadmodum occulta eius arguens DEus ait: Nonne, si rectè offeras, rectè autem non diuidas, peccasti? quiesce: quoniam non sacrificio placatur Deus. Si enim quis solummodo secundū quod videtur, mundè & rectè & legitime offerre tentauerit; secundum autem suam animam non rectè diuidat eam, quæ est ad proximum communionē; neque timorem habeat Dei, non per id quod rectè foris oblatum est sacrificium, seducit Deum, intus habens peccatum: nec oblatio talis proderit ei aliquid; sed cessatio mali, quod est intus conceptum, ne per assimulatā operationem, magis autē peccatum ipsum sibi homicidam faciat hominem.



Secundum Priuilegium in eadem natura lege, in primo Patriarcha nostro Abraham legimus, de quo scriptura.

COMPOSITIO.

11.

ptura. At verò Melchisedech rex Salem, pro- *Gene: 14.*
ferens panem & vinum (erat enim sacerdos
Dei altissimi) benedixit ei, & ait: Benedi-
ctus Abraam Deo excelsio, qui creauit cœ-
lum & terram: & benedictus Deus excel-
sus, quo protegente hostes in manibus tuis
sunt. Et dedit ei decimas ex omnibus.



Tertium Priuilegium in eadem lege *Gene: 28.*
fuit in Iacob Patriarcha. Vouit e-
tiam votum, *inquit Scriptura*, di-
cens: Si fuerit Dominus mecum, & custo-
dierit me in via per quam ego ambulo, &
dederit mihi panem ad vescendum, & vesti-
mentum ad induendum, reuersusque fuero
prosperè ad domum patris mei; crit mihi
Dominus in Deum: & lapis iste quem ere-
xi in titulum, vocabitur domus Dei: cun-
ctorumque quę dederis mihi, decimas of-
feram tibi.

*Quę eadem monumenta & priuilegia, longè cla-
rius & prolixius in veteri lege explicantur.*

PRIMUM DE REDDENDIS DECI-
mis leges scriptę Priuilegium.

C ij

Dijs non

Exodi 22.

lis non detrahes, & principi populi tui non maledices. Decimas tuas & primitias tuas non tardabis reddere, primogenitum filiorum tuorum dabis mihi. De bobus quoque & ouibus similiter facies.

SECUNDVM PRIVILEGIUM
DE EODEM.


Numeri 18.

N terra eorum nihil possidebitis, nec habebitis partem inter eos: ego pars & hæreditas tua in medio filiorum Israël. Filijs autem Leui, dedi omnes decimas Israël in possessionem pro ministerio, quo seruiunt mihi in tabernaculo fœderis: vt non accedant vltra filij Israël ad tabernaculum, nec committant peccatum mortiferum, solis filijs Leui mihi in tabernaculo seruientibus, & portantibus peccata populi, legitimum sempiternum erit in generationibus vestris. Nihil aliud possidebunt, decimarum oblatione contenti, quas in vsus eorum & necessaria separavi. Locutusque est Dominus ad Moysen, dicens: Præcipe

COMPOSITIO.

13.

Præcipe Leuitis, atque denuntia: Cùm acceperitis à filijs Isràél decimas quas dedi vobis, primitias earum offerte Domino, id est, decimam partem decimæ, vt reputetur vobis in oblationem primitiuorum, tam de areis, quàm de torcularibus: & vniuersis quorum accipitis primitias, offerte Domino, & date ea Aaron sacerdoti. Omnia quę offeretis ex decimis, & in donaria Domini separabitis, optima & electa erunt cuncta. Dicesque ad eos: Si præclara & meliora quæq. obtuleritis ex decimis, reputabitur vobis, quasi de area & torculari dederitis primitias, & comedetis eas in omnibus locis vestris, tam vos, quàm familię vestrę; quia pretium est pro ministerio, quo seruitis in tabernaculo testimonij. Et non peccabitis super hoc, egregia vobis & pingua reseruantes: ne polluatis oblationes filiorum Isràél, & moriamini.

TERTIVM PRIVILEGIUM
DE EODEM.

Q Blatio iusti impingat altare, & odor suauitatis est in conspectu al-

Eccles. 33.

C. iij

tissimi.

tissimi. Sacrificium iusti acceptum est, & memoriam eius nō obliuiscetur Dominus. Bono animo gloriam redde Deo: & non minuas primitias manuum tuarum. In omni dato hilarem fac vultum tuum, & in exultatione sanctifica decimas tuas. Da altissimo secundum datum eius, & in bono oculo adinventionem facito manuum tuarum; quoniam Dominus retribuens est, & septies tantum reddet tibi.

QVARTVM PRIVILEGIVM DECI-
marum ex hostili præda.


Numeri 31.



Ollite summam eorum quæ capta sunt, ab homine vsque ad pecus, tu & Eleazar sacerdos & principes vulgi; diuidesque ex æquo prædam inter eos, qui pugnaverunt, egressique sunt ad bellum, & inter omnem reliquam multitudinem; & separabis partem Domino ab his qui pugnaverunt & fuerunt in bello, vnā animam de quingentis, tam ex hominibus quā ex bobus, & asinis, & ouibus, & dabis eam Eleazaro sacerdoti, quia primitiæ Domini

mini sunt. Ex media quoque parte filiorum Israël accipies quinquagesimum caput hominum, & boum, & alinorum, & ouium, cunctorumq. animantium, & dabis ea Leuitis, qui excubant in custodijs tabernaculi Domini. Tradiditque Moyses numerum primitiarum Domini Eleazaro sacerdoti, sicut fuerat ei imperatum, ex media parte filiorum Israël, quam separauerat his, qui in proelio fuerant. De media verò parte, quæ contigerat reliquæ multitudini, id est, de ouibus trecentis triginta septem millibus quingentis, & de bobus triginta sex millibus, & de asinis triginta millibus quingentis, & de hominibus sedecim millibus, tulit Moyses quinquagesimum caput, & dedit Leuitis qui excubabant in tabernaculo domini, sicut præceperat Dominus.

QVINTVM PRIVILEGIVM DE MODO
REDDENDARVM DECIMARVM.



ON facietis ita Domino Deo vestro; sed ad locum quem elegerit Dominus Deus vester de cunctis tribubus

Deuter: 12.

tribus vestris, ut ponat nomen suum ibi, & habitet in eo, venietis: & offeretis in loco illo holocausta & victimas vestras, decimas & primitias manuum vestrarum, & vota atque donaria, primogenita bouum & ouium. Et comedetis ibi in conspectu Domini Dei vestri: ac letabimini in cunctis ad quæ miseritis manum, vos & domus vestræ, in quibus benedixerit vobis Dominus Deus vester. Non facietis ibi quæ nos hîc facimus hodie, singuli quod sibi rectum videtur. Neque enim usque in præsens tempus venistis ad requiem & possessionem, quam Dominus Deus vester daturus est vobis. Transibitis Iordanem & habitabitis in terra, quam Dominus Deus vester daturus est vobis, ut requiescatis à cunctis hostibus per circuitum: & absque ullo timore habitetis in loco, quem elegerit Dominus Deus vester, ut sit nomen eius in eo. Illuc omnia, quæ præcipio, conferetis holocausta, & hostias, ac decimas, & primitias manuum vestrarum: & quicquid præcipuum est in mun-
neribus

neribus quę vouistis Domino. Ibi epulabimini coram Domino Deo vestro, vos & filij ac filię vestre, famuli & famulę atq. Leuites, qui in vrbibus vestris commorantur, neque enim habet aliam partem & possessionem inter vos.

SEXTVM PRIVILEGIUM
DE EODEM.




Decimam partem separabis de cunctis fructibus tuis, quę nascuntur in terra per annos singulos, & comedes in conspectu Domini Dei tui, in loco quem elegerit, vt in eo nomē illius inuocetur, decimam frumenti tui, & vini, & olei, & primogenita de armentis & ouibus tuis: vt discas timere dominum Deum tuum omni tempore. Cū autem longior fuerit via, & locus, quem elegerit Dominus Deus tuus, tibi quę benedixerit, nec potueris ad eum hæc cuncta portare, vendes omnia, & in pretium rediges, portabis quę manu tua, & proficiscēris ad locum quem elegerit dominus Deus tuus: & emes ex eadem pecunia quic-

Deuter: 14.

nia quicquid tibi placuerit, siue ex armentis, siue ex ouibus, vinum quoq. & ficeram & omne quod desiderat anima tua: & comedes coram Domino Deo tuo, & epulaberis tu & domus tua, & Leuita qui intra portas tuas est, caue né derelinquas eum, quia non habet aliam partem in possessione tua. Anno tertio separabis aliam decimam ex omnibus quę nascuntur tibi eo tēpore; & repones intra ianuas tuas. Venietq. Leuites qui aliam non habet partem nec possessionem tecum, & peregrinus ac pupillus & vidua, qui intra portas tuas sunt, & comedent, & saturabuntur: & benedicat tibi Dominus Deus tuus, in cunctis operibus manuum tuarum quę feceris.

SEPTIMUM DE EODEM.

Deut: 26.



Hodie dominus Deus tuus præcepit tibi vt facias mandata hæc atque iudicia; vt custodias & impleas ex toto corde tuo, & ex tota anima tua. Dominum elegisti hodie, vt sit tibi Deus, & ambules in vijs eius, vt custodias cerimonias illius,

illius, & mandata atque iudicia, & obedias
eius imperio. En dominus elegit te ho die,
vt sis ei populus peculiaris, sicut locutus est
tibi, & custodias omnia præcepta illius.

OCTAVVM PRIVILEGIVM DE RE-
DEMPTIONE DECIMARVM.



Mne quod domino consecratur, siue *Leuit. 27.*
homo fuerit, siue animal, siue ager,
non veniet, nec redimi poterit. Quicquid
semel fuerit consecratum, sanctum sancto-
rum erit domino. Et omnis consecratio quę
offertur ab homine, non redimetur, sed mor-
te morietur. Omnes decimę terre, siue de
frugibus, siue de pomis arborum, Domini
sunt, & illi sanctificantur. Si quis autem vo-
luerit redimere decimas suas, addet quintā
partem earum. Omnium decimarum bo-
uis & ouis & caprę, quę sub pastoris virga
transeunt, quicquid decimum venerit, san-
ctificabitur Domino. Non eligitur nec bo-
num nec malum, nec altero commutabi-
tur, si quis mutauerit: & quod mutatum
est, & pro quo mutatum est, sanctificabitur

Domino, & non redimetur. Hæc sunt præcepta, quæ mandauit dominus Moyfi ad filios Israël in monte Sinai.

QVÆ quidem *Priuilegia*, quò melius intelligantur, adnotat *Diuus Hieronymus*, quatuor *Decimarum genera* fuisse. *Primum*, quæ *Leuitis* ex præcepto legis dabantur. *Secundum*, *Leuitis* ^{Leuitici 27. 30.} hoc est, secundæ decimæ appellatæ, quas *Leuitæ*, id est, inferior ministrorum gradus, sacerdotibus dabant. *Tertium*, quas spontè sua quilibet in horreis suis separabat, ut comederet eas in vestibulo templi, cum *Hierusalem* iret, & *Sacerdotes* ac *Leuitas* inuitaret ad conuiuia. *Quartum*, quas ut pauperibus darent separabant, quæ decimæ pauperum vocabantur. Verùm naturæ & veteris legis priuilegia hæcenus. Quantò autem plura fuerunt *Priuilegia decimarum*, sortisq; *Domini*, in naturæ veterisq; lege; tantò nihil oportuit hæc multis in *Euangelica* lege repetere: cum quemadmodum *Tetragono* *trigonum*; ita lege *Euangelica*, lex naturæ atque *Moyfis*, exceptis umbris, figuris, & iudicijs, continetur.

Psal. 61. et 88. Semel enim loquitur *Deus*, & non repetit, inquit *Scriptura*. In his præsertim, quæ eandem causam, eundem usum, eandem necessitatem, eundem deniq; finem habet.

Ad eadem igitur *Priuilegia* se refert lex *Euangelij*, dum *Saluator*

dum Saluator monet : Nisi abundauerit iustitia uestra, plusquam scribarum & Phariseorum, non intrabitis in regnum cœlorũ. *Quæ iustitia Phariseorum, quæ abundantior esse debuit, nisi illa* : Decimas do omnium bonorum meorum? &c. *Dum quæ sunt Cæsaris Cæsari, quæ Dei Deo reddenda dignumq. esse operarium mercede sua docet* : *dum Paulus monet* : Quis militat suis stipendijs vnquã? Qui plantat vineam, & de fructu eius non edit? Quis pascit gregem, & de lacte gregis non manducat? Nunquid secundum hominem hæc dico? An & lex hæc non dicit? Scriptum est enim in lege Moyſi : Non alligabis os boui trituranti. Nunquid de bobus cura est Deo? An propter nos utique hoc dicit? Nam propter nos scripta sunt. Quoniam debet in spe, qui arat, arare : & qui triturat, in spe fructus percipiendi. Si nos vobis spiritualia seminamus : magnum est, si nos carnalia vestra metamus?

Pertinent quoq. ad Priuilegia Euangelica, Canones atq. constitutiones Apostolicæ : sanctissimorum item Imperatorum leges atque sanctiones.

CANON 4.



fferri non liceat aliquid ad altare, præter nouas spicas, & vvas, & oleum ad

*Ex Canonibus
Apostolicis
Cap: 4.*

um ad luminaria, & thymiama, id est, incensum, tempore quo sancta celebratur oblatio.

CANON 5.

Cap: 5.

R Eliqua poma omnia ad domum primitiæ Episcopo & presbyteris dirigantur, non offerantur in altari. Certum est autem, quòd Episcopus & presbyteri diuidant & diaconis, & reliquis clericis.

CONSTITVTIO APOSTOLICA.

Ex lib: 2. Constit: 8. Apostolor: Ca: 38.

L Deo Episcopum diligere debetis, vt patrem: timere, vt regem: honorare, vt dominum. Fructus vestros & opera manuum vestrarum in vestram benedictionem illi offerentes: primitias vestras, decimas, partes, dona vestra dantes ei vt sacerdoti Dei: primitias, inquam, frumenti, vini, olei, pomorum, atque omnium, quæ Deus præbet vobis. Et erit oblatio tua accepta in odorem suauitatis Domino Deo tuo, & benedicet dominus operibus manuum tuarum, & multiplicabit dominus

COMPOSITIO.

23.

minus bona terre tue, quoniam benedictio
in caput tribuentis reuertitur.

ALIA CONSTITVTIO.



Intelligendum est autē, quòd quan-
quam Dominus liberauit vos à ser-
uitute adiectorum vinculorum, &
eduxit vos in refrigerium, non amplius fi-
nens vos sacrificare bruta animalia pro pec-
catis, solutos illis expiationibus, emissarijs, *Leuit. 16.*
assiduis lotionibus, & aspersiōibus: non
tamen oblationibus vos liberauit, quas sa-
cerdotibus debetis, & beneficētijs erga eos,
qui egent; ait enim Dominus noster in E-
uangelio: Nisi abundauerit vestra iustitia, *Matth. 5.*
plusquàm Scribarum & Phariseorum, non
intrabitis in regnum cœlorum. Ita ergo a-
bundabit iustitia vestra, si de sacerdotibus,
orphanis, viduis, maiorem curam suscipie-
tis, vt scriptum est. Dispersit dedit pauperi-
bus, iustitia eius manet in seculum seculi. *Psal. 3.*
Et rursus. Per cleemosynam & fidem de- *Prouer. 15.*
lentur peccata. Et rursus. Anima benedi- *Prouer. 11.*
cta omnis simplex. Ergo ita facies quem-
admodum

admodum Dominus præcepit; & dabis sacerdoti iusta sua, primitias de area & torculari pro peccatis tanquam mediatori, atq. internuncio posito inter Deum & eos, qui expiationibus & deprecationibus opus habent. Te enim dare oportet, illum distribuere tanquam œconomum, & dispensatorem rerum Ecclesiasticarum. Neq. enim ab Episcopo tuo rationem petere debes, neque eius dispensationem obseruabis, quo modo eam peragat, quando, cum quibus, ubi, benè, vel malè, vel conuenienter. Habet enim iudicem Deum, qui in eius manus hanc dispensationem commisit, & dignum eum effecit sacerdotio tanti loci.

ALIA CONSTITVTIO.

*Clemens Roma:
ma: li 7. Cons:
Cap 30.*



Dabis Sacerdotibus omnes primitias torcularis, & areę, vindemię, & messis, bouum atque ouium: vt apothecę cellarum tuarum penuariarum, & fructus agri tui benedictione afficiantur: vt firmeris in frumento, & vino atque oleo, augeanturq. armenta bouum tuorum, & tuarum

tuarum ouium greges: Dabis omnem decimam pupillo, & viduę, pauperi, & profelyto: Dabis etiam Sacerdotibus omnes primitias panum recentium, vini ex dolio, olei, mellis, pomorum siue baccarum, vuę, aut aliorum fructuum: primitias verò argenti, aut indumenti, cæterarumque rerum, quas possides, tribues pupillo & viduę.

PRIMA LEX ET CONSTITVTIO

*Imperatorum, Valentis & Marci, de
dote Ecclesiastica.*



Riuilegia, quę generalibus Constitutionis vniuersis sacrosanctis Ecclesiis orthodoxę religionis retro principes præstiterunt, firma & illibata, & in perpetuum valitura decernimus custodiri. Omnes sanè pragmaticas sanctiones, quę contra Canones Ecclesiasticos interuentu gratię vel ambitionis elicitę sunt, robore suo & firmitate vacuatas, cessare præcipimus. Et quia humanitatis nostrę est egenis prospicere, ac dare operam, vt pauperibus alimenta non desint. Salaria enim quę sa-

*cod. de sacro-
san. Eccl. l.
Præuilegia.*

E

crosan-

crofanctis Ecclesiis, in diuersis speciebus, de publico haftenus ministrata sunt, iubemus nunc quoq. inconcussa, & à nullo prorsus imminuta præstari, liberalitatiq. huic, proutissimè perpetuam tribuimus firmitatem.

ALIA CONSTITVTIO LEONIS

& Antonij Imperatorum de eodem.

Ibidem l. iubemus.

Iubemus nulli posthac Archiepiscopo in hac vrbe regia sacrosanctę Ecclesię præsidenti: nulli Oeconomo, cui res Ecclesiastica gubernanda mandatur, esse facultatem fundos, vel prædia urbana, siue rustica, res postremò immobiles, aut in his prædijs colonos, vel mancipia cõstituta, aut annonas ciuiles cuiuscunque, suprema vel superstiti voluntate, ad religiosas Ecclesias deuoluta, sub cuiuscunq. alienationis specie, ad quamcunque transferre personam: sed ea etiam prædia diuidere quidẽ, colere, augere, & ampliare, nec vlli ijsdem prædijs audere cedere. Verum siue testamento quocunque facto iure, seu codicillo, vel sola nuncupatione legato, seu fidei commissio,

aut mor-

aut mortis causa donatione, aut aliquo
quocunque ultimo arbitrio; aut certè inter
viuentes habita largitate, siue cōtractu ven
ditionis, siue donationis, aut alio quocun
que titulo quisq. ad præfatam venerabilem
Ecclesiam, patrimonium suum, partem ué
certam patrimonij, in fundis, prædijs, siue
domibus vel annonis, mancipijs & colonis,
eorumque peculijs voluerit pertinere; in
concussa ea omnia, sine vlla penitus immu
tatione conseruent. Scientes nulla sibi oc
casionem, vel tempore ad vicissitudinem be
neficij colorati, aut gratiæ referendæ donan
di, vel certè hominibus volentibus emere,
alienandi aliquam facultatem permissam,
nec, si omnes, cū religioso Episcopo & Oe
conomo, Clerici, in earum possessionum a
lienatione consentiant. Ea enim, quæ ad be
atissimæ Ecclesiæ iura pertinent, vel posthac
fortè peruenerint, tanquam ipsam sacrosan
ctam Ecclesiam & religiosam, intacta, con
uenit inuiolabiliter custodiri: vt sicut ipsa
religionis & fidei mater perpetua est; ita

E ij

eius

cuius patrimoniū iugiter seruetur illæsum.

ALIA CONSTITVTIO IMPERA-
toris Iustiniāni, de vasis & suppellectili
Ecclesiastica.

Ibidem l. San-
ctimus.



Sanctimus nemini licere sacratissima
atque arcana vasa, vel vestem, cate-
raque donaria, quę ad diuinam re-
ligionem necessaria sunt (cū & veteres le-
ges, ea, quę iuris diuini sunt, humanis nexi-
bus non alligari sanxerunt) vel ad venditi-
onem, vel hypothecam, vel pignus trahere;
sed ab his, qui hæc suscipere ausi fuerint,
modis omnibus vendicari; tam per religio-
sissimos Episcopos, quā Oeconomos, nec
non & Sanctorum vasorum custodes, nulla
eis actione relinquenda, super recipiendo
precio, vel fœnore exigendo, pro quo res pi-
gnorate sunt: sed omnibus huiusmodi acti-
onibus respuendis, ad restitutionem eorum,
omnibus modis coarctari. Sin autem vel cō-
flata sint vel fuerint, vel alio modo immu-
tata vel dispersa; nihilominus vel ad ipsa
corpora, vel ad ipsa precia eorum actionē
compe-

competere, siue per in rem, siue per conditionem, siue per in factum actionem.

Quis igitur hæc auferre aut violare uolet? quæ ipse fundauit altissimus, primusq; rerum omnium possessor atq; Dominus: quæ sempiternus eius confirmauit hæres Christus Dominus: quæ sancti Apostoli fieri præceperunt: quæ piissimi Imperatores suis legibus & constitutionibus sanxerunt: quæ tantis priuilegiis communita, tot sanctionibus firmata sunt. Quis hæc priuilegia abrogare, quis has leges antiquare, quis per aliquam compositionem talia pacta auferre poterit?



Rit igitur illud secundum Decimarum ius atque æquitas. Deum immortalem, ea lege & conditione hominem in hanc lucem produxisse; ut sit ad laudem & nomen eius; utq; se, omniaq; sua, ad eum tanquam primum principium, & ultimum finem suum referat; ut omnia ex manu eius poscat; ut prouidentiam eius & agnoscat, & ubiq; confiteatur, neque id uerbis tantum, sed re ipsa potius; utq; partem omnium bonorum suorum, in recognitionem primi principij & finis sui, illi adijciat, & consecret. Animæ, inquam, suæ: Diliges, inquit, Dominum Deum tuum, ex toto *Math: 22.*
corde tuo, ex tota anima tua, & proximum tuum sicut teipsum. Corporis sui: Benedic anima mea do- *Psal: 102.*

E iij

mino,

- mino, & omnia quæ intra me sunt, nomini sancto
Prouer: 3. eius. *Fortunarum & bonorum suorum*: Honora
 Dominum Deum tuum de substantia tua. *Pulchrè*
Deute: 26. hæc omnia quæ diximus explicat Scriptum. Faciet
 te Dominus excelsiorem cunctis gentibus, quas
 creauit in laudem & nomen & gloriam suam: vt
 sis populus sanctus Domini Dei tui, sicut locutus
 est. Honora igitur Dominum Deum tuum, de tuis
 iustis laboribus: deliba ei de fructibus iustitiæ tuæ;
 vt repleantur horrea tua frumento: vino quoque
 torcularia tua redundabunt. *Qui igitur non hono-*
rat Deum ex substantia sua, qui decimam partem
bonorum suorum illi non consecrat; hic cum primum
principium & finem suum agnoscere non vult; hic
ab eo se omnia sua habere non recognoscit; hic illius
mandato, germinare terram herbam virentem, sibiq;
fructus proferre, non profitetur; hic prouidentie Dei
sensum non habet; hic cum diuino Psalte non canit:
Psal: 144. Oculi omnium in te sperant Domine, & tu das
 escam illorum in tempore opportuno. Aperis
 tu manum tuam, & imples omne animal benedicti-
Psal: 103. one. Dante te illis colligent, aperiente te manum
 tuam, omnia implebuntur bonitate. Auertente au-
 tem te faciem, turbabuntur: auferes spiritum eo-
 rum & deficient, & in puluerem suum reuertentur.
hic Gygas, & vnus de genere Aloidarum est, idq;
non ver-

COMPOSITIO.

31.

non verbis, sed re ipsa probat ac testificatur. Libertas, inquis, ista Christiana, est libertas gentis liberæ. *Mibi* verò libertas hæc non placet, quæ illud dicit: Ponam in Aquilone sedem meam, & similis Isaie 14. ero altissimo. Cur ita? Statim enim sequitur, quomodo cecidit de cælo Lucifer, qui manè exoriebatur! Nam si idè, ut præclare quidam dixit, legibus servimus, ut liberi simus; quantò magis nos Deo servire oportebat, & quod debemus, illi reddere, nè hominibus, quibus non debemus, serviamus. Qui autem hæc omnia, quæ dicta sunt, non modò ipse non confitetur, sed qui ultra ab his, quos illi Deus subiecit, parereq; iussit, eam partem, quam Deo conferre debebant, extorquet, sibiq; per vim & iniuriam conferre iubet; hic nefario scelere Dei honorem in se transfert, Deū se facit, sacrificium sibi offerri iubet: quod neminem unquā etiam fœdissimum tyrannum sibi fieri passum esse, docet D. Augustinus. Quid se amplius ex his donarijs quæ Deo debebantur, ad se per vim & iniuriam translatis, Deum atq; templum eius, tributa sibi reipublicæq; solvere iubet: an potest esse crudelitas tanta, quæ cum hac crudelitate, & insolentia rectè comparari possit?



Tertium illud ius Decimarum est; Deum patrem, filium suum, pro eo, quòd posuit animam suam, & factus est obediens usq; ad mor-

Psal: 2.

Apo: 21.

Gen: 2.

ad mortem, nec habuit ubi caput, dum hic versabatur, reclinaret suum, constituisse regem excelso-
 rem cunctis regibus terræ: constituisse eum heredem vniuersorum, per quem fecit & secula. Confitetur hoc ipse apud Dauidem magnificè: Ego autem constitutus sum rex ab eo, super Sion montem sanctum eius: prædicans præceptum eius. Dominus dixit ad me, filius meus es tu, ego hodie genui te. Postula à me, & dabo tibi gentes hæreditatem tuam, & possessionem tuam terminos terræ. Reges eos in virga ferrea, & tanquam vas figuli confringes eos. Et ideo hunc regem & heredem suum, in omni gente & natione, partem suam, possessionem suam, Regiam suam, tabernaculum item suum habere voluit. Iuxta illud: Ecce tabernaculum Dei cum hominibus, & habitabit cum eis. Ut cognoscatur hic Christus, unicus esse filius Dei, verus & æternus heres vniuersorum: ut cognoscatur excelsior cunctis regibus terræ: ut in nomine eius omne genu flectatur, cælestium, terrestrium, & infernorum: ut sit caput super omnem Ecclesiam. Semper autem eam quam Christo suo donauit partem, Deus ipse inter homines habere voluit; nam & in paradyso arborem vnam in partem suam segregauit: Ex omni, inquit, ligno paradyfi comede, de ligno autem scientiæ boni & mali ne comedas: in qua enim die comederis,

ex co

ex eo morte morieris. *Et in lege naturæ primogenita omnia cunctorum viuentium sibi consecrauit: et, ex omnibus gentibus unum populum, de quo dixit: In Iacob habitabo, hæc hæreditas mea, vsque in seculum, &c.*

In populo autem illo uniuerso, unam tribum, omniaq; illa, quæ superius diximus. Quam sortem eius qui tangit, qui violat, qui occupat & inuadit; hunc pupillam oculi sui tangere ipse profitetur. Solusne igitur populus christianus adeo infelix & infestus, ita à Deo Christoq; eius spretus erit, vt nullam partem suam in illo habere velit? aut adeo impius à numineq; auersus, vt Deum inter se nullam partem habere patiat? nequaquam id verisimile est. Zach: 2.

Multis autem ex causis eam sortem atq; partem suam inter mortales habere voluit Dominus. Primum, vt genus humanum hoc pacto tanquam colonos suos, inter quos partem habere velit, et cum quibus habitare non erubescat quodam modo honoret: Deliciæ meæ, inquit, es cum filiis hominum. Deinde, vt omnes eum regem & dominum vniuersorum, cuius aulam ac Regiam apud se conspiciunt, laudent & confiteantur. Per munus enim, inquit Irenæus, Irenæus. erga regem, & honos & affectio ostenditur; quod in omni simplicitate & innocentia Dominus, volens nos offerre, prædicauit dicens: Cum igitur

F offers

Augu. Serm. 219. offers munus tuum ad altare. &c. Non eget, inquit *Augustinus*, Dominus Deus, non præmium postulat; sed honorem. Demum, ut sit unde

ministri & serui eius uiuant; amici item & cognati, pauperes, inquam, orphani, viduæ, peregrini, quos mundus plerumq; odit, ac fame & penuria, nisi ille sua benigna cura & liberalitate illis provideat, consumere ac conficere vellet, quod nunc fieri clare

Deuter: 12. videmus: unde diligenter monet: Caue derelinquas Leuitem in omni tempore, quo versaris in terra, quando dilatauerit Dominus Deus terminos tuos. &c. Et, Qui vos accipit, me accipit: & quod


Matth: 10. uni ex meis minimis fecistis, mihi fecistis. Et qui accipit prophetam in nomine prophete, mercedem accipiet prophete; hoc est, in partem remunerationis & mercedis prophete veniet. Unde *D. Augustinus*:

Augu. Serm. 219. Decime, fratres charissimi, sunt tributa egentium animarum. Redde ergo tributa pauperibus, offer libamina sacerdotibus. Deniq; ut inde cultus eius, ceremoniæ, sacra doctrina, melius ac decentius, illustrius item, magnificentiusq; admini-

Mal: 1. strentur; magni enim regis magnâ et illustrem familiam, magnificum & illustrem cultû esse oportet. Queritur enim ipse apud Prophetam Dominus, hominem se non inuenire, qui gratis aperire vel occludere templum suum vellet. Hanc igitur partem sortis Domini, qui

mini, qui non restituit, hanc Regiam eius qui inuadit, hanc hæreditatem qui sibi usurpat; perduellio est, summam maiestatem lædit, æterni Dei patris hæredem exautorat, ac ex sua turbat possessione, Christum regem suum cum impijs non agnoscit. Dirumpamus vincula eorum, & proijciamus à nobis iugum ipsorum. *At* qui habitat in cœlis, irridebit eum, & Dominus subfannabit ei. *Hic Deum nullam partem habere in rebus humanis vult: hic seipsum Christum facit: hic antichristus est.* Parumne diximus? an aliquid ampliùs ad extremam impietatem addendum est? hocne est christianum esse? hocne Euangelici nomen sibi usurpare? hocne est lumen veritatis frustra insolenter iactare?

Psal: 2.

 Vartum igitur erit caput æquitatis hæreditatis Domini. Qui templi & Ecclesiæ sortem aufert; hic dote sua Ecclesiam Dei, unicam Iesu Christi sponsam spoliat: de qua dote ita magnificè apud David illa prædicat: Dominus, inquit, pars hæreditatis meæ, & calicis mei: tu es, qui restitues hæreditatem meam mihi. Funes ceciderunt mihi in præclaris; etenim hæreditas mea præclara est mihi. Et quam ipse sponsus apud Isaiam munificè illi pollicetur: Pro eo quòd fuisti derelicta Isaiæ 60, & odio habita, & non erat qui per te transfiret; ponam te in superbiam seculorum, gaudium in ge-

Psal: 17.

Isaiæ 60.

Isaie 61.

Matth: 19.

nerationem & generationem. Et fuges lac gentium, & mamilla regum lactaberis: & scies quia ego Dominus saluans te, & redemptor tuus fortis Iacob. Pro ære afferam aurum, & pro ferro afferam argentum: & pro lignis æs, & pro lapidibus ferrum, & ponam visitationem tuam pacem, & præpositos tuos iustitiam. *Et alio loco.* Vos autem Sacerdotes Domini vocabimini: Ministri Dei nostri, dicetur vobis: fortitudinem gentium comedetis, & in gloria earum superbiētis. Pro confusione vestra duplici & rubore laudabunt partē eorum, propter hoc in terra sua duplicia possidebunt, lætitia sempiterna erit eis. Quia ego Dominus diligens iudicium, & odio habens rapinam in holocausto. *Et.* Amen dico vobis, quod vos qui secuti estis me, in regeneratione, cum sederit filius hominis in sede maiestatis sue, sedebitis & vos super sedes duodecim, iudicantes duodecim tribus Israël. Et omnis qui reliquerit domum, vel fratres, aut sorores, aut patrem aut matrem, aut uxorem, aut filios, aut agros propter nomen meum: centuplum accipiet in hoc mundo, & vitam æternam possidebit. *Quod promissum, cum in primis Ecclesie Dei fundatoribus, qui nihil in hac vita possederunt, qui nudi nudam Christi crucē sequuti sunt, completum non sit, in eorum successoribus compleatur oportet;*

oportet; ut promissorum certa & fixa fides maneat.

Agnum et illud est decimarum dotisq; Eccle-
 siasticæ, non tam ius aut æquitas, sed ipsa
 planè necessitas: quòd his sublati, vniuer-
 sum cultum diuinum, omnem religionem, omnem do-
 mus Domini decorem, totum ministerium verbi,
 ipsam deniq; fidem christianam auferri & extinguere o-
 portebit. Ita qui eam sortem hæreditatis Domini au-
 fert, aut non restituit; vniuersa hæc quantum in
 illo situm est, labefactat, ac demum populum Dei, ad
 ultimam barbariem, omnemq; numinis diuini obli-
 uionem perturbare molitur. Nam cum religio, cul-
 tusq; diuinus, sine ministris seruisq; templi, Doctori-
 bus item, nullo modo esse possit; Ministri autem sine
 victu, ac rebus alijs necessarijs, munere suo rectè de-
 fungi non possunt. Cum ipsorum Apostolorum testi- **Act: 6.**
 monio, non solum mensas querere, eos qui præ sunt
 doctrinæ, non conueniat; sed ne illis quidem mini-
 strare, aut eas dispensare. Qui enim militat Chri- **2. Timoth: 2.**
 sto, inquit Paulus, non debet se secularibus immi-
 scere negocijs, ut possit placere ei, cui se probauit.
 In quo loco addit D. Cyprianus: Quod cum de
 omnibus dictum sit, quanto magis molestijs & la-
 queis secularibus obligari non debent, qui diuinis
 rebus & spiritualibus occupati, ab Ecclesia recede-
 re, & ad terrenos & seculares actus vacare non
 possunt.

posunt? Cuius ordinationis & religionis formā,
 Leuitę prius in lege tenuerunt: vt cū terram di-
 uiderent, & possessiones partirentur vndecim tri-
 bus; Leuitica tribus, quę templo, & altari, & mi-
 nisterijs diuinis vacabat, nihil de illa diuisionis
 portione perciperet; sed alijs terram colentibus,
 illa tantum Deum coleret, & ad victum atque ali-
 mentum suum ab vndecim tribubus de fructibus
 qui nascebantur, decimas perciperet. quod totum
 fiebat de authoritate & dispositione diuina: vt qui
 operationibus diuinis insistebāt, in nulla re auoca-
 rentur, nec cogitare, aut agere secularia cogerentur.
 quę nunc ratio & forma in clero tenetur; vt
 qui in Ecclesia Domini ordinatione clerica pro-
 mouentur, in nullo ab administratione diuina a-
 uocentur, ne molestijs & negocijs secularibus alli-
 gentur; sed in honore sportulantium fratrum,
 tanquam decimas ex fructibus accipientes, ab al-
 tari & sacrificijs non recedant, & die, ac nocte, cœ-
 lestibus rebus, & spiritualibus seruiant. *Qui igitur*
viſtum ac quaſi demenſum ſacerdotum ac miniſtro-
rum templi aufert; hic ſimul religionem, omnemq; fi-
dem chriſtianam extinguit, vtq; gentes domini Dei
ſui obliuiſcantur author eſt. Docet hoc Iuliani apoſta-
tę exemplum; qui vt religionem chriſtianā extingue-
ret, omnemq; IEſu Chriſti memoriam aboleret, illis
artibus

artibus usus esse legitur, quas Zozomenes, Nicephorus, & alij Ecclesiasticæ historie scriptores referunt.

Clerum, inquit, omnem muneribus & ministerijs Nicepho: lib: 10. cap: 4. militaribus in ea regione attribuit; quod quum sumptibus onerosum, tum ignominia contumeliosum existimatum est. Annonam & immunitatem, ibid. cap: 5. quam Constantinus pro sua erga Deum obseruantia clericis concesserat, ipse abrogauit, & in publicos prouentus retulit. Quæ verò viduis & virginibus propter inopiam cleri alimenta è publico largienda destinata erant, ægrè & difficulter exigebantur. Constantinus namque, quum Ecclesias constitueret atque ordinaret, ex cuiusque vrbis prouentibus toti clero, quantum ad vitam tollerandam satis esset, rerum necessariarum tribuit; eamque rem sanctione legis confirmauit, quæ hucusque conseruatur. Sub Iuliano exactio eorum prouentuum dura admodum & grauis fuit, sicuti id exactorum ipsorum testantur monumenta. Cæterum parum fuit tyranno, tam hostili esse erga nos animo; nisi suum aduersus Ecclesiam odium, ad excidium eius prorsus conuerteret. Quæcunque enim ei suppeditabant sacra vasa & donaria, ea abstulit, & in idolorum delubris reposuit. Vim etiam illam eis adhibuit, qui sub Constantino & Constantio templa deorum euerterissent, vt vel ea celeriter restaurarent, vel æstimationem structura-
rum eorum

ræ eorum perfoluerent. Sin hoc minus facerent, vt durius acciperentur, & in vincula conijcerentur, mandauit. Vnde illud satis conijcere licet, in eo quidem illum veteribus persequutoribus, quodd corpora cum contumelia non excruciauerit, moderatiorem fuisse, rebus autem alijs modis omnibus illos exuperasse. Omni namque ex parte Ecclesiam affligere, manifestè est visus: & vno tantum modo humanior iudicatus, quodd Episcopos sub Constantio exilio mulctatos reuocauit, & in vrbes suas redire permisit. Atque id ille non misericordia fecit, sicut colligere est; sed vt Episcopos inter se committens, ad intestinum armaret bellum, & suis ipsa dissidijs Ecclesia labefacteretur. *Haftenus de Iuliani artibus. Qui igitur dotem Ecclesiae aufert, qui decimas non soluit; hic Iuliani spiritu agitur; hic religionis Christianae inimicus est; hic à Christo fideq; illius apostatauit: eadem enim agit, eadem spectat, eadem molitur. Sed et res ipsa idem, quod superius diximus, abundè probat. Ex eo enim tempore, ex quo hæreditas Christi ab istis occupari cœpta est; quanta sit paucitas sacerdotum, quanta ministrorum templi raritas, videmus: turbæ primum eorum hominum vagabantur; nunc pauci admodum ubiq; conspiciuntur. Memini ego, cùm Polocia cum Serenissimo Rege meo de bello redibam,*
Unum

Unum solum me in tota illa regione Catholicum sacerdotem vidisse, eumq; excommunicatum: sicq; adducta fames illa est super populum christianum, quam prædixit Propheta: Ecce dies veniunt, dicit Dominus, & emittam famem in terram: non famem panis, neque sitim aque; sed audiendi verbum Domini. Et commouebuntur à mari vsque ad mare, & ab Aquilone vsque ad orientem, circuibunt quærentes verbum Domini, & non inuenient. Et Ieremias: Filij Sion inclyti, & amicti auro primo: Thren 4. quomodo reputati sunt in vasa testea, opus manuum figuli? sed & lamia nudauerunt mammam, lactauerunt catulos suos: filia populi mei crudelis, quasi struthio in deserto. Adhæsit lingua lactentis ad palatum eius in siti: paruuli petierunt panem, & non erat qui frangeret eis. Qui vefcebantur voluptuose, interierunt in vijs, qui nutriebantur in croceis, amplexati sunt stercora. Hactenus Prophetæ. Quod manifestè nunc re ipsa experimur: vagantur oues Christi, tanquam pecora sine pastore. Quæ autem deinceps sequentur, quis non videt, quis non intelligit? Inimicus homo fecit hæc omnia, ut Matth: 13. facilius superfeminet Zizania, seq; ipsum Deum pro Christo constituat.

Postremò, qui id quod debet D^Eo non restituit, ille omnem cœli clementiam, terræ fecunditatem, ac
 G felicitem

felicitatem, frugum item vbertatem, omnemq; Dei benedictionem auertit, calamitatem autem, sterilitatem, famem, ægestatem omnem, tam priuatim, quam publicè, in se, liberosque suos, accersere atque attrahere videtur. Docet hoc scriptum: Respexistis, inquit, ad amplius, & ecce factum est minus: & intulistis in domum, & exsufflaui illud: quã ob causam, dicit Dominus exercituum? quia domus mea deserta est, & vos festinatis vnusquisq. in domum suam. Propter hoc super vos prohibiti sunt cœli, ne darent rorem: & terra prohibita est, ne daret germen suum: & vocaui siccitatem super terram, & super montes, & super triticum, & super vinum, & super oleum, & quæcunq. profert humus, & super homines, & super iumenta, & super omnem laborem manuum. Et Malachias. Reuertimini ad me, & reuertar ad vos, dicit Dominus exercituum. Et dixistis. In quo reuertemur? Si affiget homo Deum, quia vos configitis me. Et dixistis. In quo configimus te? in decimis & in primitiis. Et in penuria vos maledicti estis, & me vos configitis gens tota. Inferte omnem decimam in horreum, & sit cibis in domo mea, & probate me super hoc, dicit Dominus: si non aperuero vobis cataractas cœli, & effudero vobis benedictionem vsq. ad abundantiam, & increpabo pro vobis deuorantem, & non corrumpet fructum terræ vestræ, nec erit sterilis vineæ

Aggæ: 1.

Malach: 3.

vinea in agro, dicit Dominus exercituum. *Addit D. Hieronymus*: Si quando fames, & penuria, & rerum omnium egestas opprimit mundum; sciamus hæc ex ira Dei descendere, quòd se in pauperibus fraudari dicit sua possessione. *Et scriptura quidem hæc. Sed & res ipsa, atq; clarissima rei exempla, hoc idem testantur. Quàm potens fuerit Germania quondam, quàm diues, quàm opibus abundans, quis nescit? nunc postquam Principes eius omnia tã diuina, quàm humana ad se transtulerunt; quàm e-gens, quam pauper, quàm infirma sit, quis non videt? Nulla gens vnquam fuit, quæ in persolvendis decimis liberalior atq; munificentior esset, his vicinis nostris Hungaris, qui non ex frumentis tantùm & vineis, auro item & reliquis, quibus abundant metallis; sed ex minutissimis etiã rebus, Domino magnificenti-ssimè decimas persoluebant. Nulla tamẽ ditior, nulla vberior illis temporibus natio exstitit, ita vt Aureum Pomum regio illa diceretur. Discessum est postea Lutheri et aliorum dogmatibus ab ea pietate atq; munificentia: resq; eò progressa est, quò videtis: exag-gerare alienam miseriam nolo, ne exprobrare fortunã, quæ communis est, videar.*

Quid ego de maioribus nostris dicam? non fuerunt illi quidem homines immensis illis & monstrosis opibus onusti; locupletes tamen satis, lautiq; fuerunt: hi

manibus ac sinibus, vt ita dicam, suis, Decimas in domum Domini deportabant: hi consilia, fortunas, consuetudinem, mensam, arcam, & omnia planè habuerunt cum Leuitis communia: Tempia, pauperum domos, scholas ædificabant, magnificas donationes faciebant; & eodem tempore tamen, diuturna bella cum potentissimis hostibus gerebant: provincias vicinas sibi adiungebant, publica ædificia erigebant, filios educabant, filias elocabant, hæreditates stabiles & liberos posteritati suæ relinquebant: nec tamen indigebant spolijs, non mendicitate, non sacrilegijs, non peculatu, non usuris, non simonijs, non mercatu, & cauponarijs artibus, non aliunde accersitis æconomijs, hoc est emungendæ pecuniæ fraudibus; quibus nunc in hac istorum cgestate et mendicitate plena sunt omnia. Quid ita? Benedictio Domini diuites illos faciebat. Non relinquebat filios vagos, egentes, oberatos, extorres, capite diminutos. Cur ita? reddebat eis Dominus bonum & non malum omnibus diebus suis. Quare? quia & illi reddebant ea quæ sunt Cæsaris Cæsari, quæ Dei Deo. REDDITE IGTUR ET VOS QUÆ SVNT CÆSARIS CÆSARI, QUÆ DEI DEO. Et cùm reddideritis, tùm itidem et vos Sacerdotes reddite vos ipsos animabus huius populi: reddite templis & aris deuotionem, & ministerium vestrum: Cathedris & pulpitis,

Prouer. 10.

pulpitis, quæ nunc deserta & puluere obsita iacent, doctrinam vestram: reddite iurisdictioni, iudicium vestrum: reddite sorti vestræ vosipsos: relinquitte militias, aulas, cauponas, venationes, superfluum æconomiam, tanto magis Bacchanalia, scurras, lenones, superfluos equos; & tunc, ubi sic mutuò vobis quæ vestra sunt reddideritis, pax erit, tranquillitas restituetur, Compositio cohærebit. Nam alia ratione Syncretismus quidam, ut Demosthenis verbo utar, ad tempus inter vos componi poterit; pax tamen certa, fixa, stabilis, solida, secundum Deum, & leges eius nunquam cohærebit, ex arena funiculos nectetis, laterem lauabitis.



NON fuit hoc, dicent isti, antiquitus. Decimæ in primitiua Ecclesia non pendebantur: decimare quempiam, Iudaicum quid est. Videamus an hoc idem docuerunt vetustissimi per totum orbem terrarum diffusi sancti, an idem sentiant. Primum igitur videamus Orientis Patres: in ijs est vetustissimus Origenes ille magnus, qui ut cætera omnia, ita & hoc magnifice tractat, omnesq. eius rei difficultates explicat. *Primitias omnium frugum, omniumq. pecudum Sacerdotibus lex mandat offerri: ita ut omnis qui possidet agrum, vel vineam, vel oliuetum, vel etiam hortum, & si quid est, quod exercetur in terris, sed & si*

*Obiectio-
nū solutio.*

*Origen: in Num: Capite 18.
Hom: 11. De primit: offer:*

quis peculia cuiuscunq; pecoris nutriat, offerat ex ijs Deo omne quod primum est, id est, ad sacerdotes deferat. Deo enim offerri dicit, quod sacerdotibus datur. Et hoc est quod docemur ex lege, Quia nemo licite nec legitime utatur fructibus, quos terra produxit, nec animantibus, quæ pecudum protulit partus; nisi ex singulis quibusq; Deo primitiæ, id est, sacerdotibus offerantur. Hanc ergo legem observari etiam secundum literam, sicut & alia nonnulla, necessariam puto. Sunt enim aliquanta legis mandata, quæ etiam novi testamenti discipuli necessaria observatione custodiunt. Et si videtur prius de ijs ipsis, quæ in lege quidem scripta, sed tamē in Euāgelij observanda sint, sermo moueatur: & cum hæc patuerint, tunc iam quid in ijs etiam spiritualiter sentiri debeat, requiremus. Sunt enim qui ita dicant, quia si aliquid Domino observandum est secundum literam, cur non & cuncta seruentur? Si verò ad spiritalem intelligentiam, quæ lex continet, referenda sunt; nihil omnino secundum literam, sed spiritualiter debent universa discerni. Ostendimus ergo esse quædam, quæ omnino non sunt seruanda secundum literam legis, et esse quædam, quæ allegoria penitus immutare nō debet; sed omnimodè, ita ut scripturæ de ijs continent, observanda sunt: nunc requiro, si sunt aliqua, quæ & secundum literam quidem stare possint; necessariò
tamen

tamen in eis etiam allegoriam requirendam. Sicut & in hoc sermone, quem habemus in manibus, arbitror conuenire: decet enim, & utile est, etiam sacerdotibus Euangelij offerri primitas. Ita enim et Dominus disposuit, ut qui Euangelium annunciant, de Euan-^{1. Cor: 9.} gelio uiuant: & qui altari deseruiunt, de altari participant. Et sicut hoc dignum & decens est; sic e contrario & indecens, et indignum existimo, & impium; ut is, qui Deum colit, & ingreditur Ecclesiam Dei, qui scit sacerdotes et ministros adstare altari, & aut verbo Dei, aut ministerio Ecclesiae deseruire; ut de fructibus terre (quos dat Deus, solem suum producendo, et pluuias suas ministrando) non offerat primitias sacerdotibus. Non mihi videtur huiusmodi anima habere memoriam dei, nec cogitare, nec credere, quia Deus dederit fructus, quos cepit, quos ita recondit, quasi alienos à Deo. Si enim à Deo sibi datos crederet; sciret utique (munerando sacerdotes) honorare Deum de datis & muneribus suis. Et adhuc ut amplius hæc obseruanda, etiam secundum literam, ipsius Dei vocibus doceantur, addemus ad hæc: Dominus dicit in Euangelis: *Væ vobis Scribæ & Pharisei* Matth: 23. *hypocritæ, qui decimatis mentam, hoc est, decimam datis mentæ, & cymini, & anethi, & præteritis, quæ maiora sunt legis. hypocritæ, hæc oportet fieri, & illa non omitti. Vide ergo diligentius, quomodo sermo do-*
mini

Matth. 5.

Ibidem.

mini vult fieri quidem omnimodè, quæ maiora sunt legibus, non tamen omitti & hæc, quæ secundum litteram designantur. Quod si dicas, quia hæc ad Phariseos dicebat, non ad discipulos, audi iterum ipsum dicentem ad discipulos: Nisi abundauerit iustitia vestra, plus quàm scribarum & phariseorum, non intrabitis in regnum cælorum. Quod ergo vult fieri à phariseis; multò magis, & maiore cum abundantia vult à discipulis impleri: quod autem fieri à discipulis non vult; nec phariseis imperat faciendum. Quomodo autem plus velit fieri à discipulis, quàm faciunt Pharisei, in eo declarat, ubi dicit: Dictum est antiquis, non occides. hoc observant et Pharisei: discipulis autem dicit: Ego autem dico vobis, quia si quis iratus fuerit fratri suo, reus erit iudicio. Similiter & de eo, quod scriptum est: Non adulterabis: suorum discipulorum in eo vult ampliùs abundare iustitiam; ut ne mulierem quidem videant ad concupiscendum. Igitur ex his quæ protulimus paucis, si qui studiosi sunt in scripturis diuinis, perfacile colligere poterunt etiam cæterorum distinctiones. Sapiens enim si audiat, inquit, verbum non solùm laudabit; sed & adijciat ad illud. Quid adijciat? ut discutiat & discernat in singulis quibusq; capitulis legis, ubi fugienda sit legis littera, ubi amplectenda, ubi etiam narratio historiæ cum mystica expositione conueniat. Christus enim

enim nos redemit de maledicto legis: non nos redemit de maledicto mandati, nec de maledicto testimonij, nec de maledicto iudiciorum; sed de maledicto legis: id est, ne subiecti essemus circumcisioni carnis, nec observationi sabbatorum, aliisque horum similibus, quæ non in mandatis, sed in lege dicenda sunt contineri.

Quomodo ergo abundat iustitia nostra, plusquam scribarum et phariseorum; si illi de fructibus terræ suæ gustare non audent, priusquam primitias sacerdotibus offerant, et Leuitis decimæ separentur; et ego nihil horum faciens, fructibus terræ ita abutar; ut sacerdos nesciat, Leuites ignoret, diuinum altare nō sentiat? Hunc sequutus est Epiphanius Cypri Episcopus.

At verò Apostolis dictum est, ut contenti sint prædicatione verbi, ut ne occupati sint iter facientes à ciuitate ad ciuitatem, & à loco ad locum ad prædicandum: Dignus est enim operarius mercede sua: & Sufficit operanti alimentum suum. Sed & pastoribus similiter propter assiduam occupationem circa populos, & Ecclesiasticam administrationem, & frequens ministerium, dicit diuina scriptura: Quis pa-

Epiphanius
80. Hæres. lib:
3. Tom: 2.

scit gregem ouium, & de lacte ipsius nō edit? aut quis plantat vineam, & de fructu ipsius non participat? Et dicit: Laborantem agricolam oportet primum fructuum participem fieri: quo presbyterum aut Episcopum non quotidiano alimento destitutum constitueret,

1. Cor: 9.

2. Timot: 2.

H

inhortans

inhortans populos; ut ex iustis laboribus tribuant sacerdotibus, quæ ad alimentum pertinent, per primitias & oblationes, atque alia. Quorum potestatem habentes hi, qui ex Deo constituti sunt ad deducendum populos, neque his utuntur ad facietatem, qui Deo perfecte complacere volunt. Hunc sequitur D. Chry-

Chrysostomus
in Actu: A-
post: Cap: 8.
Hom: 18.

stomus, qui pulcherrimè ex omnibus de ea tota cura & prouisione ministrorum templi ita scribit. Num opus est, ut unusquisq; fidelium ædificet Ecclesiam? & ut credat simul, etiam Doctor fit? Nunquid ante omnia hoc considerandum, ut omnes sint Christiani? Quomodo, dic mihi, Christianus erit agricola, videns te sic suam negligere salutem? Non potes facere signa, et persuadere ijs, quibus illi persuaserunt, misericordia utere, cura, mansuetudine, affabilitate, alijsq; omnibus. Ac fora quidem ac balnea faciunt multi, Ecclesias autem non item, & omnia magis quàm has. Ideo oro ac supplico, & gratiam peto, imò & legem pono; ut nullus qui habet villam, appareat carere Ecclesia. Ne mihi dixeris propè est, in vicinia est; magnus est sumptus, non magnum commodum: si quid habes insumendum in pauperes, illuc insume; melius illuc, quàm ibi: educa magistrum, educa diaconum, & sacerdotalem ordinem. Quasi ducta uxore vel sponsa, vel data virgine; sic erga Ecclesiam affectus es, dotem adscribe illi; ita tibi benedictionis prædium

COMPOSITIO.

M.

prædium multiplicabitur. Quid enim non erit illic bonorum? Parumne est oro torcular benedici? parumne est Deum ex omnibus frugibus ac decimis prius partem ac decimas accipere? Ad pacem agricolarum hoc utile. Venerabilis erit & presbyter postea, & ad securitatem agri conducet. Preces illic perpetuæ propter te, laudes & synaxes propter te, oblatio per singulos dies Dominicos. Quid magis mirandum, quod alij exstruunt clara sepulchra, ut posteri audiant quod ille construxit, an quod tu Ecclesiæ excitas? Cogita quod usq. ad Christi aduentum mercedem habiturus sis, qui altare Dei excitaturus es. Dic enim oro, si rex tibi præcepisset domum exstruere, ut illic habitet, nonne omnia fecisses? Nunc igitur Regia est Christi Ecclesiæ constructio: ne sumptum spectes, sed fructum computa. Illi colunt terram, tu cole illorum animas: illi tibi ferunt fructus, tu illos infer in cælos. Qui initium dedit, hic & omnium aliorum causa est. Igitur & te authore illic erudientur initiandi ij, qui agro tuo vicini, quum balnea quidem molliores reddant agricolas, institorie officinæ deliciores, attamen facitis hæc propter gloriam. Forum & prætoria publica faciunt impudentes. Hæc autem omnia secus fiunt. Quale enim fuerit, videre senem, ad exemplum Abrahæ incedentem, canum accinctum, et fodientem & ipsum operantem. quid illo agro desiderabilius?

H ij

Hic

*Hic maior est virtus. Non est lasciuia illic, sed ab-
acta est: non est ebrietas, ac voluptas, sed eliminata
est: non est vana gloria, sed extincta est: plus illic ful-
get beneuolentie propter simplicitatē. Quanta res est
abire & ingredi in domum Dei, & videre quod ip-
se illam exstruxerit, & quiescere in villa securum, &
habere deambulationem seruientem corpori, & ma-
tutinis vespertinisq; hymnis esse præsentem, ac simul
prudentem sacerdotem, simul conuersantem, benedi-
ctione frui, & alios videre illuc venientes? Hoc fue-
rit in murum ac securitatem agri. Hic est ager, de quo
dicit: Odor agri pleni, cui benedixit Dominus: quam
uis & præter hoc bona sit villa, propter quietem, pro-
pter abundantiam ocij: quod si templum accesserit,
quid illi comparabitur? Villa enim habens Ecclesiā,
paradyso Dei comparatur: non est illic clamor, non
est turbatio, non varij inimici, neque sectæ: omnes li-
cet videre amicos, & participes eorundem dogmatū.
Ducit te in philosophiam; ab hac philosophia accipi-
ens te presbyter cumbit facile: nam hic, quæcunq; di-
xerimus, forum excutit: illic autem quæcunq; audi-
eris, fixa habebis in mente. Alius in agro eris per il-
lum, & illis præsidebit ac erit custos, & ut assint, &
ut componant seipsos. Unde autem est & sumptus,
dic mihi? Fac iam paruum domum pro templo, qui se-
quetur te, faciet porticum, qui post illum aliam adijci-
et; &*

Genes. 27.

et; & sic tibi imputabitur totum. Tu das parum, et totius accipis mercedem. Igitur initium facito, fundamentum iacito, imò mutuum adhortemini, vt certetis in hac re. Nunc autem domus, in quibus paleam et frumentum, & omnia talia reponi oportet, facile exstruunt: vbi autem colligere oportet animarum fructus, minimè curant; sed coguntur multis stadijs ire, et magnas profectiões facere, vt in Ecclesiam abeant.

Quantum autem est bonum, cum multa quiete in Ecclesiam sacerdotem venire, vt accedat Deum, & pro ea quotidie oret ad dominum? Parum est, dic oro, in sanctis oblationibus nomen tuum semper referri, & quotidie pro villa preces ad Deum fieri? Quantum tibi & ad alia hoc conducit? Contingit quosdam ex vicinis habitare, & habere cuntores. Ad te igitur pauperem non dignabitur vllus horum venire: ac presbyterum fortassis vocabis, & mensæ participem facies. Vides quanta inde erunt bona? Erit tunc villa ab omni suspitione libera: nullus homicidij, nullus fur ti accusabit, neque aliquid suspicabitur. Habent et aliam consolationem, siue morbus, siue mors accadat. Non simpliciter neq; fortuitò etiam amicitie fiunt eorum, qui illuc eunt, & congregationes erunt multò alijs cœtibus suauiores: non solum autem congregationes, sed et illi qui præsunt per presbyterum sunt magis reuerendi. Omnino audis quod Hierusalem olim

alijs ciuitatibus honoratior fuerit; sed non simpliciter, verum propter impietatem, quæ tunc præualuerat. Propterea ibi colebatur Deus. Nihil est mali, multa securitas erit & apud Deum & apud homines. Etiam oro, ne obiter, sed alacriter opus in manus suscipiatis. Qui enim educit pretiosum a vili; quasi os dei erit, qui tot animabus tam presentibus, quam futuris, usque ad aduentum Christi prodest; quantam gratiam apud Deum habebit? Præsidium exstrue contra diabolum. Hoc est enim Ecclesia. Illinc impetum faciāt manus ad laborem: prius extendantur in precibus; et tunc abeant ad opus, unde erit corporis robur: ita erit multa agricolatio, ita omnia mala erunt foris: non potest voluptas verbis tradi, quamdiu opere nondum fuerit suscepta. Ne hoc videris quod nullam habeat accessionem ac commodum: nam si hoc feceris, nihil facies, si non putas tibi vtilitatem prædio maiorem accedere: si non sic affectus es; non operaberis, si non opus hoc cogitas tuis omnibus præferendum. Quid hac vtilitate maius, animas in arcam quæ est in cælo, inducere? Hic mihi, quod nescitis, quantum sit lucrificare animas. Audi quid dicat ad Petrum Christus: Si diligis me, pascue oues meas. Si oues regias videns, vel equorum armentum apud stabulum non habere, quæ proponantur, accipies ipse, & exstrues stabulum & equile, vel præficies pastorem, quantis te remuneraturus

COMPOSITIO.

75.

naturus est rex? nunc ouile Christi congregas, & pa-
storem præficias; & non putas magnum quiddam te
facere? Quid dico? Si quis scandalizarit etiam v-
num, tantas pænarum minas audit, qui tot seruat nõ
seruabitur? nam quale postea habebit peccatum? e-
tiam si habuerit, non delebit illud? A pœna eius, qui
scandalum dederit, discite præmium eius qui seruat. Si
non curæ esset Deo etiam vnius animæ salus; non
tam inasceretur ob illius perditionem. Hec igitur sci-
entes, curam habeamus operis spiritualis, & me vnus-
quisque vocet, & nos pro viribus simul operabimur.
Et si quidem tres fuerint domini; in commune confe-
runt: si autem vnus; et alijs vicinis suadeat: tantum
vt hoc corrigat, solliciti sitis; vt vbiq; bene placentes
Deo, æterna bona consequamur, gratia & miseri-
cordia domini nostri Iesu Christi, cum quo Patri &
Spiritui S. gloria, honor, imperium, nunc & semper,
&c. In meridie ex Aphricanis patribus, primus
est beatissimus martyr, & pontifex Cyprianus, qui
hac de re hunc in modum scribit. In nobis verò
sic vnanimitas diminuta est; vt largitas operationis
infracta est. Domos tunc & fundos venundabant,
& thesauros sibi in cælo reponentes, distribuenda in
vsus indigentium pretia, Apostolis offerebant. At nũc
de patrimonio nec decimas damus. Et cùm vendere
videat dominus; cimus potius & augemus. Sic in
.nobis

Cyprianus de
 vnitate Ecclesiæ

Luce: 18.

nobis emarcuit vigor fidei: sic credentium robur elanguit. Et idcirco dominus tempora nostra respiciens, in Euangelio suo dicit: Filius hominis cum venerit, putas inueniet fidem in terra? Videmus fieri, quod ille prædixit. In dei timore, in lege iustitiæ, in dilectione, in opere, fides nulla est. Nemo futurorum metum cogitat, diem domini, & iram Dei: et incredulis ventura supplicia, & statuta perfidis æterna tormenta, nemo considerat: quod metueret conscientia nostra, si crederet: quia non credit omnino; nec metuit: si autem crederet; & caueret: si caueret; euaderet. Excitemus nos quantum possumus, dilectissimi fratres, & somno inertie veteris abrupto, ad obseruanda & gerenda domini præcepta vigilemus. Cyprianum sequitur D. Augustinus. Unusquisque de quali ingenio vel artificio viuit; de ipso decimam Deo in pauperibus, vel in Ecclesiis donet: consideret, quia omnia dei sunt, per quæ viuit: siue terra, siue flumina, siue semina, vel omnia quæ sub cælo sunt, vel super cælos. Et si ipse non dedisset, nihil utique haberet. Nam Deus, qui dignatur totum dare; decimam de suo dignatur nobis repetere, non sibi penitus, sed nobis profuturam: sicut ipse promissit per Prophetam, dicens: Inferite, inquit, omnem decimationem in horreis meis, & probate me in his, dicit Dominus: si non aperuero vobis fructus, quæ possidetis super terram, quod cognoscitis deo placere. Nolite de

August: de
rectitudinē ca-
tholicæ conuer-
sationis. Tra-
ctatu 20.
Tom: 9.

Malach: 3.

lite de cuncta substantia vestra fraudare decimam; ne vobis nouem partes auferantur, & sola decima remaneat. Conuertimini adhuc, dicit dominus, ut aperiā vobis catamētas cœli, & effundam super vos benedictionem meam. Si igitur dederitis voluntariē, plus semper dominus dabit vobis. Si non dederitis, quanticumque pauperes, in quibus locis habitatis, fame mortui fuerint, tantorum homicidiorum rei eritis. Insuper, immitet vobis dominus pestilentiam et famem; et perdetis totum quod habetis, nec non & animas vestras. Ut autem hæc vobis non veniant, festinate cum bono animo dare, unde animas vestras possitis redimere. Et alibi. Propitio Christo, fratres charissimi, iam propē sunt dies, in quibus menses colligere debeamus; & ideo gratias agentes Deo qui dedit, de offerendis, imò reddendis decimis cogitemus. Deus enim qui dignatus est totum dare, decimam à nobis dignatur repetere; non sibi, sed nobis sine dubio profuturam. Sic enim per Prophetam ipse promisit, dicens: Inferte, inquit, omnem decimam in horreis meis, ut sit cibus in domo mea, & probate me in his, dicit Dominus. Si non aperuero vobis catamētas cœli, & dedero vobis fructum vsq; in abundantiam. Ecce probauimus, quomodo nobis decimæ magis quàm Deo proficiant. O homines stulti, quid mali imperat Deus, ut non mereatur audiri? Sic enim dicit: Primitias

ibidem Aug:
Ser: 219. T^o:
10.

Exodi 22.

are tue et torcularis tui, non tardabis offerre mihi. Si tardius dare peccatum est, quanto peius est nō dedisse? Et iterum dicit. Honora Dominum Deum tuum de tuis iustis laboribus, deliba ei de fructibus iustitiæ tue; et repleantur horrea tua frumento, vino quoque torcularia tua redundabunt. Non præstas hoc gratis quod citò recipies magno cum fœnore.

Ex occidentis patribus vetustissimus fuit, & qui ipsa tempora Apostolorum sequutus est Irenæus, qui inde probat contra Valentianum & Martianum, Iesum Christum verum Deum, & veri Dei filium esse, quod illi primitias atque decimas fideles offerant: et si alio modo quàm in veteri lege. Verba eius sunt hæc. Offerre igitur oportet Deo primitias eius creature, sicut & Moyses ait: Non apperebis vacuus ante conspectum Domini Dei tui: ut in quibus gratus existit homo, in his gratus ei deputatus, cum, qui est ab eo, percipiat honorem. Et non genus oblationum reprobatur, oblationes enim & illic, oblationes autem et hîc. Sacrificia in populo, sacrificia & in Ecclesia; sed species immutata est tantum: quippè tunc iam non à servis, sed à liberis offeruntur. Unus enim et idem Dominus, proprium autem character servilis oblationis, & proprium liberorum, uti & per oblationes ostendatur indicium libertatis. Et decimas quidem vnde tunc soluerent non planè habebant

Irenæus lib: 4.
Cap: 34.

habebant, omnia tamen sua ad pedes Apostolorū
eos detulisse, Idem testatur Irenæus. Sequitur hunc

D. Ambrosius. *Quicumque inquit recognouerit in se,
quod fideliter non dederit decimas suas; modo cmen-
det, quod minus fecit. Quid est fideliter dare, nisi ut
nec pecius nec minus aliquādo offerat de grano, aut de
vino, aut de fructibus arborum, aut de pecoribus, aut
de horto, aut de negotio, aut de ipsa venatione sua.*

In Septentrionem versis adest D. Hieronymus, qui
inquit. *Quoniam quidquid habent Clerici pauperū est:
et domus illorum omnibus debent esse cōmunes: susce-
ptioni peregrinorum & hospitum inuigilare debent:
maximè curandum est illis, ut de decimis & oblatio-
nibus cōnobijs, & xenodochijs, qualem voluerint &
potuerint sustentationem impendant. Liberum est e-
nim Monachis & Spiritualibus viris, Deum colen-
tibus & timentibus, decimas, & oblationes, cunctaq;
remedia concedere, de iure suo in dominium illorum
& vsum transferre: nec tam in pauperibus pauper-
tatem, quàm religionem attendere. Quod autem bea-
tudo quaesuit, utrum vsum decimarum & oblatio-
num secularibus prouenire possit, nouit vestra Sancti-
tas, omninò non licere; protestantibus hoc diuinis au-
thoritatibus paternorum Canonum. Quamobrem si a-
liquando fuerint ab his malè detenta, quæ diuini iu-
ris esse noscuntur, & in vsum transferint, Monacho-*

*Ambrosius
apud Gratia-
num causa 16.
q. 7. in sermo:
quasi agi si:*

*Gratianus in
de et. eius cau-
sa 16. q. affert
Epistolā Hie-
ronymi ad Da-
masum Papā.*

rum et seruorum Dei; Episcopo tamen loci illius præbente consensum, constabunt eis omnia perpetua firmitate & stabilitate subnixæ. Clericos autem illos cõuenit Ecclesiæ stipendijs sustentari; quibus parentum & amicorum nulla suffragantur stipendia. Qui autem bonis parentũ & opibus sustentari possunt, si quid pauperum est, accipiunt, sacrilegium profectò incurrunt & committunt, & per abusionem talium, iudicium sibi manducant & bibunt. Hæc Hieronymus.

Quòd si consensus omnium Ecclesiarum, præsertim earum, quæ matrices appellantur, certa nota Apostolicę traditionis est, decimarum profectò ius, tot tantisque testibus, ab ipso Christo, eiusq. Apostolis profectum erit.

Obiectio.

Non idem tunc erant, inquit isti sacerdotes, nec tales, nec iisdem moribus præditi, nec in eas res bona conferebant Ecclesiastica. At idem est Deus, idem Christus Dominus, cui hæc debentur omnia, cuius hæc hæreditas, hæcque possessio propria existit. Num autẽ in eum modũ de Pontificibus, patribus, ac præpositis vestris iudicare conueniat necne; discamus ab Ecclesia (vt Pauli voce utar) primitiuorum, discamus à sanctis Dei patribus. Post deum, inquit Cyprianus, iudicem, qui sacerdotes facit, te uelle, non dicam de me, quantus enim ego sum? sed de Dei et Christi iudicio iudicare: hoc est, in Deum non credere, hoc est, rebellem aduersus Christum, & aduersus

Euange-

Cypria lib: 4.
Epist: 9.

*Euangelium eius existere: ut cum ille dicat: Non- Matth: 10.
 ne duo paseres ase veneunt, & neuter eorum cadit
 in terram sine patris voluntate? & probet maiestas
 eius, & veritas sine conscientia & permissu Dei, eti-
 am minora non fieri; tu existimes sacerdotes Dei sine
 conscientia eius in Ecclesia ordinari? Nam credere,
 quod indigni & incesti sint qui ordinantur, quid ali-
 ud est; quam credere, quod non à Deo, nec per De-
 um sacerdotes eius in Ecclesia constituentur? An
 putas, maius esse de me meum, quam Dei testimoniū?
 cum Dominus ipse doceat & dicat, testimonium non
 esse verum, si quis ipse de se testis existat, eò quod vnus
 quisque utique sibi faueat, nec contra se aliquis infe-
 sta & aduersa depromat; fides verò sincera sit verita-
 tis, si in prædicationibus nostris alius sit prædicator,
 ac testis. Si testimonium, inquit, dixerò de me, testimo- Ioannis 3.
 nium meum non est verum: alius est enim, qui testis
 est de me. Quod si ipse Dominus omnia postmodum
 iudicaturus, noluit de testimonio suo sibi credi, sed ma-
 luit de iudicio ac testimonio Dei patris probari; quā-
 tō magis hoc seruos eius obseruare oportet, qui iudicio
 ac testimonio Dei, non probantur tantum, sed etiam
 gloriantur? Quis autem nostrum longè est ab humi- or paulo infe-
 litate? Vtrumne ego, qui quotidie fratribus seruiò, et
 venientes ad Ecclesiam singulos benignè, & cum vo-
 to & gaudio suscipio? an tu, qui te Episcopum episco-
 pi, & iudi-*

- pi, & iudicem iudicis, ad tempus à Deo dati constitu-
 Deuteron: 17. is ē cūm dominus Deus in Deuteronomio dicat: Et
 homo, quicumque fecerit in superbia, ut non exaudiat
 sacerdotem, aut iudicem, quicumque fuerit in diebus
 illis; morietur homo ille: & omnis populus, cūm au-
 dierit, timeat, et non agent impiē etiam nunc. Et ite-
 rum ad Samuelem loquitur, & dicit: Non te spre-
 uerunt, sed me spreuerunt. Et adhuc Dominus in E-
 uangelio, cūm ei dictum esset: Sic respondes pontifi-
 ci? custodiens et docens sacerdotalem honorem serua-
 ri oportere, contra pontificem nihil dixerit; sed inno-
 centiam suam tantummodo purgans, responderit di-
 cens: Si male locutus sum, exprobra de malo; si au-
 tem bene, quid me cedis? Item B. Apostolus, cūm ei
 dictum esset: Sic insilis in sacerdotem Dei maledicē-
 do? nihil contumeliosē locutus sit aduersus sacerdo-
 tem: quando et potuerit se constanter exercere aduer-
 sus eos, qui dominum crucifixissent, et qui iam Deum
 & Christum, & templum, & sacerdotiū perdidissent.
 Sed quamuis in falsis & spoliatis sacerdotibus, um-
 bram tamen ipsam inanem sacerdotalis nominis cogi-
 tans dixerit: Nesciebam fratres, quia pontifex est;
 Actu: 23. scriptum est enim: Principem plebis tuę, non male-
 dices; nisi si sacerdos tibi fui ante persecutionem, quā
 do mecum communicabas; post persecutionem, sacer-
 dos esse desini. Persecutio enim veniens, te ad sum-
 mam mar-

Exodi 22.

nam martyrij sublimitatem prouexit: me autem pro-
scriptionis onere depresit, cum publicè legeretur: Si
quis tenet, vel possidet de bonis Cæcilij Cypriani Epi-
scopi christianorum, ut etiam qui non credebat Deo,
Episcopum constituenti, vel diabolo crederet, Episco-
pum proscribenti. Nec hæc iacto, sed dolens profero,
cum te iudicem Dei constituas & Christi, qui dicit ad
Apostolos, ac per hoc ad omnes Præpositos, qui Apo-
stolis vicaria ordinatione succedunt: Qui audit vos, Luce 12.
me audit; & qui me audit, audit eum, qui me misit.
Et qui reijcit vos, me reijcit, & eum qui me misit. In-
de enim schismata, & hæreses obortæ sunt, & oriun-
tur; dum Episcopus, qui unus est, & Ecclesie præ-
est, superba quorundam præsumptione contemnitur,
& homo dignatione Dei honoratus, indignus homini-
bus iudicatur. Quis enim hic est superbiæ tumor? quæ
arrogantia animi? quæ mentis inflatio ad cognitio-
nem suam præpositos & sacerdotes vocare? ac nisi a-
pud te purgati fuerimus, & sententia tua absoluti;
ecce iam sex annis, nec fraternitas habuerit Episco-
pum, nec plebs Præpositum, nec grex pastorem, nec
Ecclesia gubernatorem, nec Christus antislitem, nec
Deus sacerdotem. Subueniat Pappianus, & senten-
tiam dicat, & iudicium Dei & Christi, in acceptum
referat; ne tantus fidelium numerus, qui sub nobis ac-
cessitus est, sine sse salutis, & pacis exisse videatur:
ne nouus

ne nouus credentium populus, nullam per nos consecutus esse baptismi & Spiritus sancti gratiam iudicetur: ne tot lapsis & pœnitentibus pax data, & communicatio nostra examinatione concessa, iudicij tui auctoritate soluatur. Annue aliquando, & dignare pronunciare de nobis, & Episcopatum nostrum, cognitionis tuæ auctoritate, firmare; vt Deus, & Christus eius agere tibi gratias possint; quod per te sit antistes & rector, altari eorum, pariter ac plebi restitutus. Apes habent regem, & ducem pecudes, & fidem seruant. Latrones mancipi, obsequio pleno humilitatis, obtemperant. Quantò simplices & meliores vobis sunt brutæ pecudes, & muta animalia, & cruenti, licet ac furentes inter gladios, atque inter arma prædones? Præpositus illic agnoscitur & timetur, quem non sententia diuina constituit; sed in quem factio perditæ & nocens caterua consensit. Hactenus Cyprianus. Eadem, & iisdem ferè verbis docet Diuus Chrysostomus. Qui honorat inquit sacerdotem, Deum quoque honorat; qui verò sacerdotem spernit, ad id sensim prolabitur; vt in Deum ipsum aliquando contumeliosius euadat. Qui vos inquit suscipit, me suscipit; & qui vos spernit, me spernit. Et sacerdotes, ait scriptum, eius, in honore habete. Hinc Iudei Deum spernere didicerunt, quia Moysen contempserunt, quia lapidibus illū impetebant. Nam qui pie sacerdoti

Chrysostom: 2
Epist: ad Ti-
moth: Cap: 1.
Hom: 2.

cerdoti afficitur, longè maiore pietate Deum reue-
 ritur. Et si enim malus fuerit sacerdos quispiam, at-
 tendit Deus, quòd sui gratia, illum etiam, qui dignus
 honore non est, obsequijs foues, ipseque tibi præmia ex-
 soluet. Si enim, qui prophetam in nomine prophete Matth: 10.
 suscipit, mercedem prophete accipiet; profectò & qui
 cedit & obtemperat sacerdoti, eumque propter dominum
 honorat, & ipse à domino benedicetur, mercedeque sua
 non destituetur. Super cathedram, inquit, Moysi, se-
 derunt scribæ & pharisæi: omnia ergo, quæcunque
 dixerint vobis facere, facite; secundum autem opera
 eorum, ne faciatis. An ignoras, quid sit sacerdos? An Malach. 2.
 angelus utique domini est: non ex seipso loquitur: si de-
 spicis, non illum despicias; sed Deum, qui illum ordina-
 uit. Sed vnde, inquires, constat, Deum fuisse illius or-
 dinationis authorem? Nisi enim tu hanc habeas fi-
 dem & opinionem, spes tua inanis facta est. Nam si
 nihil per illum operatur Deus; neque lauacrum ha-
 bes, neque mysteriorum particeps es, neque benedicti-
 onibus fruere. Non ergo Christianus es. Quid ergo?
 Deus omnes ordinat, & que dignos & indignos. Non
 omnes quidem ille ordinat, per omnes tamen ipse ope-
 ratur. salutem populi moliens, non illorum intuens me-
 rita. Nam si per asinæ os, si per Balaam, scelestum Numeri 22.
 hominem, populi causa locutus est; multò magis lo-
 quitur per sacerdotem, plebis suæ gratia. & 24.
 Quid enim

K

non agit

Matth: 7.

1. Cor: 4.

Rom: 14.

Nume: 16.

non agit Deus salutis nostræ causa? quid non loquitur? per quem non operatur? Si enim per Iudam operatus est, et per Prophetas, quibus dicturus est: non noui vos: discedite à me, qui operamini iniquitatem: si igitur vel hi etiam, demones in nomine eius eiecerunt; non magis per sacerdotes, diuino ministerio famulantes operabitur? Namque si præpositorum vitas discutere pergimus; ipsi quoque doctores nostros ordinare debemus: peruersi quæ ordine naturali, quæ supra sunt, infra constituentur; ut superius pedes, inferius verò sit caput. Audi quid Paulus dicat: Mibi autem pro minimo est, ut à vobis iudicer, aut ab humano die. Et iterum: Tu, quid iudicas fratrem tuum? Si fratrem iudicare non expedit; quanto minus magistrum? Nam siquidem hoc statuit Deus, bene facis, peccas quæ; noli facias; sin verò contraria præcepit, noli presumere, neque ea coneris, quæ super te sunt, neque limites tibi positos transilias. Insurrexerunt aduersus Aarō, post vituli formatam effigiem, Chore, Datan, et Abiron. Quid ergo? nonne illi periire? Quilibet quæ ad se pertinent, sollicitè curet. Nam si quidem fidei dogma peruertat, etiam si angelus sit; obaudire noli: sin verò recta docet; noli vitæ, sed verbis intendere. Habes Paulum, verbis te, operibusque ad id, quod rectè et honestè est, te informantem. Non distribuit pauperibus, inquires, non benè dispensat Ecclesiæ res. Unde

Unde id tibi constat? Noli illum damnare, antequam discas: reatum caue; plurima quippe ex simplici suspitione iudicantur. Imitare Deum tuum, audi ipsum dicentem: Descendens videbo, si secundum clamorem suum consumantur, an non; ut recte sciam. Quod & si didicisti, & examinasti, & vidisti; expecta iudicium: noli præripere Christi iudicis ordinem: illius est munus ista discutere, non tuum: tu servus ultimus, non dominus es: ovis ipse es, pastorem noli curiose discutere; ne eius quoque criminis reus tenearis, quod illum accusare præsumis. Et quomodo, inquires, id mihi dicit, quod ipse non facit? Non tibi ipse dicit: Nam si illi obtemperas; mercede privaris: Christus hæc admonet. Plus aliquid dicam. Ne Paulo quidem obedire oportet, si quid dixerit proprium, si quid humanum; sed Apostolo Christum in se loquentem circumferenti. Non igitur mutuò iudicemus nos: sua quisque recte discutiat, vitamque dijudicet suam. At debet ille, inquires, melior esse quam ego. Cur, te obsecro? Quia sacerdos est. Et quid non habet ille amplius, quam tu? non labores? non pericula? non angores? non ærumnas? Furatur, inquires, & sacrilegus est. Unde hoc nosti o homo? cur te ipsum per præcipitia impellis? sunt verba ista plena arrogantiae: nempe si quis dixerit, ille purpuram habet: quævis id scias, aures obstrue. Quid ergo hoc in loco pe-

Genes: 18.

Rom: 14.

Matth. 12.

riculum minime necessarium suscipis? Non carent reatu hæc verba. Audi quid dixerit Christus: Dico autem vobis, quod omne verbum ociosum, quodcumque locuti fuerint homines, reddent rationem de eo in die iudicii. Cur te ipsum arbitraris esse meliorem? cur non ingemiscis magis, ac pectus tundis, atque in humum respicis imitando publicanum? Et si enim melior sis; hac

Lucæ 18.

fedæ existimatione tua, cuncta perdidisti. Meliores! tace, ut persistas esse melior: quod si loquaris, omnia exinanisti. Tuam igitur & non alienam examina vitam. Tu de sacerdote dicis: Non sum, sicut iste sacrilegus; & non omnia prorsus amittes? Ista necessario dicere, ac plurimis verbis prosequi cogor, non sacerdotum tantum gratia, sed vestri: nam vereor, ne hac elatione, virtus exhauriatur vestra, in iudiciumque decidatis. Audi denique, quid dicat admonens Paulus:

Galat. 6.

Opus autem suum probet unusquisque; & tunc in semetipso tantum habebit gloriam, & non in altero. Nam, dic oro, si saucius proficiscaris ad medicum; num omisa cum vulnere tuo, studiosè medicum percontaris, vulnus ille habeat, nec ne? Nunquid enim si sacerdos malus sit, inde solatium capiet subditus? nihil minus. Ceterum, dabit ille quidem scelerum suorum debitas penas; dabis etiam & tu tuorum criminum penas. Cuius ergo rei gratia, inquires, præsidet? cur prepositus est? Ne quæso, doctores nostros maledictis

dictis impetamus, uti ne nosmet potius ledamus. Nostra, ut dixi, omnia discutiamus, & neminem penitus maledicemus. Reueremur diem illam, qua illuminati ab illis sumus. Patrem qui habet, & si mille patitur incommoda; omnia patris reuerentia conteget. Noli enim, inquit, gloriari in ignominia patris tui; Eccles: 3. neque enim tibi tam gloria, quam probrum est. Et si sensum amiserit, veniam habe. Longè hæc magis in patre spiritali dicenda sunt: reuerere illum, quod tibi diebus singulis diuina ministrat: scripturas relegi facit tui gratia: exornat domum: propter te vigilat: propter te vota persoluit: pro te Deum precaturus adstat: tui causa preces exsoluit. At malus ille est: & hoc ad te quid? Nunquid enim qui malus non est, ipse tibi magna ista & diuina largitur? Absit. Fides enim tua ad omnia valet; neque tibi iustus quispiam proderit; nisi ipse fidelis sis: neque nocebit malus; si fueris ipse fidelis. Per vaccas in arca operatus est Deus, cum populum saluare vellet. Num enim sacerdotis vita, num virtus tantum conferre potuissent? Non possunt, quæ Deus ipse largitur, velut sacerdotali virtute perfici: omnia quippe diuinæ sunt gratiæ: Symbolum iste tantummodo implet. Intuere quantum inter Iesum & Ioannem interest: & audi dicentem Ioannem: Ego opus habeo à te baptisari, & tu venis ad me. Si d tamen, cum tantum interest, descendi Spiritus, quem

Matth: 3.

ritus, quem non habebat Ioannes, neq; Ioannes ipsum descendere fecit. Cur ergo istud fit? Ut scias, sacerdotem symbolum implere tantummodo; Deum autem omnia operari, Deum omnia perficere. Sacra ipsa oblatio, siue illam Petrus, siue Paulus, siue cuiusvis meriti sacerdos offerat; eadem est, quam dedit Christus ipse discipulis suis; quamq; sacerdotes modo quoq; conficiunt. Nihil habet ista, quàm illa, minus. Cur id? Quia non hanc sanctificant homines, sed Christus, qui illam antè sacrauenit. Quia autem hoc illo minus aliquid habere putat, ignorat Christum esse, qui nunc etiam adest, atque operatur. Hæc igitur scientes (neque enim absque certa ratione hæc omnia dicta sunt, sed ut sententiam vestram, sensumq; corrigamus, cautioreq; in posterum faciamus) omni studio & diligentia conseruate. Nam si semper audimus, & nunquam audita perficimus, nihil ex his, quæ dicuntur, emolumentum percipimus. Hæc Chrysostomus.

Sed qualescunq; isti sunt, vestri sunt, progenies vestra, vestro ex sanguine creti, ex vobis nati, à vobis educati, per vos maioribus suis cōmendati, importuneq;, coactè, violenter, toties contra omnem Ecclesiasticam disciplinā intrusi. Homines plerūq; ignari, inertes, inepti, quibus ipsis patrono opus sit, ut foediora prætermittā. Qua causa cōmendati? questus & priuatæ vtilitatis gratia, siq; vobis in illis nō pareretur

COMPOSITIO.

72

paretur coelum & terram clamoribus completis, quorum causa vobis aliquando difficillima apud Deum ratio reddenda erit. Nam & illos hoc modo perditis, & Ecclesiā Dei magno afficitis incōmodo: tamen vultis vt delicta personarum contra magnū illum Gregorium in damnum Ecclesiæ conuertantur. Cū sanctus scribat Leo: Si fortassis (quod *Gratian' cau-* non credimus) apud vos inutiles iudicamur: *Ec- sa 16. qu. 6.* clesia tamen, cui (permittente Deo) præsumus, non inutilis, sed caput principiumq. omnium meritō simul ab omnibus vocatur. Quod igitur contriuiſtis, ipsis vobis comedendum est. Vbiq. enim vos ingeritis, vos Doctores, vos Episcopi, vos summi Pontifices, vos omnia esse vultis. Permittite obsecro disciplinam Ecclesiasticam valere atque vigere, & cognoscetis, quia isti sunt populus, cui benedixit Dominus; sed vos, neque morbos, neque morborum remedia ferre potestis.

Atqui inquit istī tui sacerdotes in fide errant, falsam doctrinam adferunt, populos seducunt. Videamus igitur, vtrum vos de sacerdotum fide, & doctrina, an sacerdotes de vestra, iudicare, & statuere conueniat. Ad ipsiusque Dei in hac re incorruptā sententiam & iudiciū appellemus. Quid igitur dicit Dominus, audiamus. *Si difficile et ambiguum apud te iudicium esse proſpexeris, inter sanguinem & Deuter. 17. sanguinem*

COMPOSITIO.

73.
sanguinem, causam & causam lepram et non lepram,
& iudicum inter portas tuas videris verba variari:
Surge, & ascende ad locum, quem elegerit Dominus
Deus tuus. Venies ꝑ; ad sacerdotes Leuitici generis,
& ad iudicem, qui fuerit illo tempore; quæres ꝑ; ab
eis, qui inducunt tibi iudicij veritatem. Et facies
quodcunque dixerint, qui præsumt loco, quem elegerit
dominus, & docuerint te iuxta legem eius, sequeris ꝑ;
sententiam eorum, nec declinabis ad dexteram,
neque ad sinistram. Et in noua lege: Super Cathedram
Moyse, sederunt scribæ & pharisæi: quæcunq;
dixerint vobis, facite; secundum autem opera eorum
nolite facere. Et: Sic nos existimet homo, ut ministros
Dei, & dispensatores ministeriorum eius.

Leuitas dices aliam sortem in populo Dei non habuisse, præter decimas: nos aut multos agros, plurima rura, maximas possessiones habere. Habemus quidem: sed qua ratione, & quo in loco, & quorum causa, & in quales usus comparatas, discere non ex me; sed ex beatissimo martyre atq; Pontifice Urbano Primo, qui ante mille & quadringentos vixit annos: qui hanc rem totam, hunc in modum explicat.
Ex lib. Decr. Scimus vos non ignorare, quia hætenus vita
Vrba. Pap. pr. communis inter bonos Christianos viguit, & adhuc
gratia Dei viget: et maxime inter eos, qui in sortem
Dñi sunt electi, .i. clericos, sicut in actibus legitur
Aposto-

*Apostolorum: Multitudinis autem credentiū, erat cor Acto. 4.
vnum, & anima vna: nec quisquam eorum quæ pos-
sidebat, aliquid suum esse dicebat; sed erant illis om-
nia communia. Et virtute magna reddebant Apo-
stoli testimonium resurrectionis Iesu Christi. Et gra-
tia magna erat in omnibus illis. Neque enim quisquam
egens erat inter illos. Quotquot enim possessores agro-
rum, aut domorum erant; vendentes afferbant pre-
tia eorum quæ vendebant, & ponebant ante pedes
Apostolorum. Diuidebatur autem singulis, prout cui-
que opus erat. Ioseph autē, qui cognominatus est Bar-
nabas ab Apostolis, quod est interpretatū, filius con-
solationis, Leuites et Cyprius genere, cum haberet a-
grum, vendidit illum, & attulit pretium ante pedes
Apostolorum. Et reliqua. Videntes ergo sacerdotes
summi & alij, atque leuitæ, & reliqui fideles, plus v-
tilitatis posse afferre, si hereditates et agros quos vè-
debant, Ecclesijs, quibus præsidebant Episcopi, tra-
derent, eo quod ex sumptibus eorum, tam præsentibus
quàm futuris temporibus, plurima et elegantiori pos-
sent ministrare fidelibus communem fidem ducētibz,
quàm ex pretio eorum: ceperunt prædia & agros,
quos vendere solebant, matricibus Ecclesijs tradere,
& ex sumptibus eorum viuere. Ipsæ verò res indi-
tione singularum parochiarum, Episcoporum, qui lo-
cum tenent Apostolorum, erant, & sunt vsque adhuc,
L & futuris*

Et futuris semper debent esse temporibus. Et quibus
 Episcopi, Et fideles dispensatores eorum, omnibus cō-
 munem vitam degere volentibus, ministrare cuncta
 necessaria debent, prout melius potuerint, ut nemo in
 eis egens inueniatur. Ipsæ enim res fidelium oblati-
 ones appellantur, quia Domino offeruntur. Non er-
 go debent in alijs vsibus, quàm Ecclesiasticis Et præ-
 dictorum christianorum fratrum vel indigentium con-
 uerti: quia vota sunt fidelium, Et pretia peccatorum,
 ac patrimonia pauperum, atque ad prædictum opus
 paulo inferi- explendum Domino traditæ. Hæc fratres valde ca-
 uenda sunt Et timenda: quia res Ecclesiæ, non qua-
 si propriæ, sed ut communes, et Domino oblatæ, cum
 summo timore non in alios, quàm in præfatos vsus
 sunt fideliter dispensandæ: ne sacrilegij reatum incur-
 rant, qui eas inde abstrahunt, ubi traditæ sunt: ne
 pœnam Et mortem Ananiæ Et Saphiræ incurrant,
 Et (quod peius est) anathema marnatha fiant: Et
 si non corpore, ut Ananias Et Saphira, mortui ceciderint,
 anima tamen, quæ potior est corpore, mortua
 Et alienata à consortio fidelium cadat, Et in profun-
 dum baratri labatur. Unde attendendum est omni-
 bus, Et fideliter custodiendum, ut illius Usurpationis
 contumelia depellenda, ne prædia vsibus secretorum
 coelestium dedicata, à quibusdam irruentibus vexen-
 tur. Quod si quis fecerit, post debitæ ultionis acri-
 moniam,

moniam, quæ erga sacrilegos iure promenda est, perpetua damnetur infamia, et carceri tradatur, aut exilio perpetuæ deportationis vntur. Quoniam iuxta Apostolum tradere oportet huiusmodi hominem satanæ; ut spiritus saluus sit in die Domini. Memoratis ergo augmentationibus ac cultibus, intantum Ecclesiæ, quibus Episcopi præsent, Domino adminiculante, creuerunt: & tantis maxima pars earum abundant rebus; ut nullus sit in eis, communem eligens vitam, indigens: sed omnia necessaria ab Episcopo suisq; ministris percipit. Ideo si aliquis exstiterit modernis aut futuris temporibus, qui hæc auellere nitatur, iam dicta damnatione feriatur. Haftenus beatus martyr. Quanquam enim Levitæ & sacerdotes non habuerunt in populo aliam partem, præter primitias, & decimas; templum tamen, atque pauperes, alia sua habuisse bona, ex sacris scripturis, tam veteris quam noui testamenti clarum est: quæ tamē omnia, in noua lege munificentiora futura, superius ex prophetis demonstrauius.

Eleemosyna dicunt isti hæc est, opus misericordiæ & non debiti, ad quod nemo obligatur, nisi quando vult, cui vult, & quantum vult. Hic verò est error maximus. Neque enim Decima Eleemosyna est, nec misericordiæ; sed iustitiæ, debitiq; opus: & eius debiti, quod primum, & maximum est

L ij

omnium,

I. Cor: 5.

omnium, Aristotelis etiam & Platonis testimonio:
 illius nimirum, quod Deo ipsi debetur. Nisi forte
 debitum non est, Deum creatorem, & datorem re-
 rum omnium recognoscere, prouidentiam & gu-
 bernationem eius laudare: Iesum Christum, sum-
 mum Regem, & iudicem vniuersorum contiteri:
 sortem & partem eius restituere. Nam qui opus mi-
 sericordiæ prætermittit, hic peccat quidem ad mor-
 tem; ad restitutionem tamen eius rei, quam abstu-
 lit, non tenetur. At qui opus iustitiæ & debiti non
 facit, non tantum lethaliter peccat; sed etiam ita
 peccat; vt non prius delictū eius auferatur, quàm
 illud ipsum, quod ex iustitia & officio debet, resti-
 tuat: vt si mendico petenti in eius summa neces-
 sitate munus non conferas, peccasti tu quidem; sed
 ad eius restitutionem non teneris. At si per furtum,
 aut peculatum, aut sacrilegium aliquid abstulisti,
 ita peccasti; vt nisi restituas, quod apud te retines,
 à peccato liber esse nullo modo possis: nisi forte
 ille, qui vestem sacram, aut vas abstulerit, sacrile-
 gus esse putabitur. Hic qui cibum ipsum, & mensā,
 vitam denique sacerdotum, agros item aufert, sa-
 crilegus non erit! insanę mentis hoc est iudicium.
 Qua de re, quid statuatur Magnus Augustinus, audi-

*August. Ser. amicus. Decimæ enim ex debito requiruntur: & qui
 219. Tim. 10. eas dare noluerit, res alienas inuasit: et quanti pau-
 peres*

peres in locis, vbi ipse habitat, illo decimas non dante, fame mortui fuerint; tantorum homicidiorum reus, ante Tribunal æterni iudicis apparebit: quia à domi no pauperibus delegatum, suis vsibus referuauit. Qui ergo sibi aut præmium comparare, aut peccatorum de siderit indulgentiam promereri; reddat decimam, & de nouem partibus, studeat eleemosynam dare pauperibus: ita tamen, vt quidquid, excepto victu mediocri, & vestitu rationabili, superfuerit, non luxuriæ referuetur; sed in thesauro cœlesti per eleemosynam pauperum reponatur. Quidquid enim nobis Deus plus, quàm opus est dederit; non nobis specialiter dedit; sed per nos alijs erogandum transmisit: quòd si non dedimus, res alienas inuasimus.

Nolo, inquis, alium in bonis meis, præter me, & hæredem meum Dominum habere. Neque igitur Deum, atque Christum eius, quite, & hæredem tuum custodiat, tibiq. benedicat, in bonis tuis hæreditare vis? Quid si ille item, & te, & hæredem tuum, ex bonis suis, atque adeò æterna illa & cœlesti patria exhæreditabit, vt sit habitatio tua deserta? Fiant filij tui orphani, & vxor tua vidua. Nutantes transferantur filij tui, & mendicent, & eiiciantur de habitationibus suis. Scrutetur fœnerator omnem substantiam tuam, & diripiant alieni labores tuos. Non sit illis adiutor: ne sit, qui misceatur pupillis

tuis, quod in dies fieri videmus. Nolo, inquit, decimę
 partis bonorum meorum alium præter me dominũ
 habere: nolo cum vicino in vno eodemq. agro esse.
 Ne Deum igitur, aut Christum eius, proximum &
 vicinum tibi habere vis. Quid, si idem Deus te no-
 uem suarum partium Dominum esse nollet, atque
 ad decimam illam solam partem, quam tu illi ne-
 gas, reuocabit? Quid dices? aut quo iure cum illo
 contendes? docet hoc ita fieri D. Augustinus. *Au-
 di, inquit, in deuota mortalitas. Nosti, quia Dei sunt
 cuncta quę percipis, & de suo non accommodas rerũ
 omnium conditori? Non eget Dominus Deus, non
 præmium postulat, sed honorem; non de tuo aliquid
 exigit quod refundas. Primitias rerum & decimas
 dignatur petere, & negas auare. Quid faceres, si no-
 uem partibus sibi sumptis, tibi decimam reliquisset?
 Quod certè iam factum est, cum messis tua pluuiarũ
 benedictione subtracta ieiuna defecit, & vindemiam
 tuam aut grando percussit, aut pruina decoxit. Quid
 auidè supputas? Nouem tibi partes retractę sunt,
 quia decimam dare noluisti. Constat quidem, quod i-
 pse non dederis, sed tamen Deus exigit. Hęc enim est
 Domini iustissima consuetudo; ut si tu illi decimam
 non dederis, tu ad decimam reuocaris: scriptum est e-
 nim: Hęc dicit Dominus. Quia decima agri tui pri-
 mitiæ terrę vobiscum sunt. Vidi autem, & fallere
 me exi-*

August: Ser:
 219.

me existimastis? Intus in thesauris vestris, & in domibus vestris erit direptio. Dabis impio militi, quod non vis dare sacerdoti. Conuertimini quoque ad me, dicit dominus omnipotens, vt aperiā vobis cataractas cœli, & effundam vobis benedictionem meam de super, & non corrumpam fructus terræ vestræ, neque languebit vitis in agro vestro, & beatos vos dicent omnes gentes. Benefacere Deus semper paratus est, sed hominum malicia prohibetur: quia à domino Deo sibi vult dari omnia, & non vult ei, quæ possidere videtur offerre. Quid si diceret Deus: Meus est homo, quem feci: mea est terra, quam colis: mea sunt & semina, quæ spargis: mea animalia, quæ fatigas: mei sunt imbres & pluiiæ, et ventorum flamina mea sūt: meus est solis calor: & cū omnia mea sint elementa viuendi; tu qui manus accōmodas, solam decimam merebaris. Sed quia p̄ nos pascit omnipotens Deus, amplissimam tribuit minùs laboranti mercedem: sibi tantum decimam vendicans, nobis omnia condonauit. Ingnate fraudator ac perfide, diuina te voce conuenio. Ecce annus iam finitus est, redde domino pluenti mercedem. Redime te homo, dum viuus: redime te ipse, dum potes: redime, inquam, te, dum pretium in manibus habes: redime te, ne, dum te mors auara præuenerit, & vitam simul, & pretium perdas. Sine causa hoc dimittis uxori, quæ forsitan alterum habebit
maritum.

maritum. Sine causa hoc maritodimittit mulier, quia
 aliam sine mori cupit habere uxorem. Frustra paren-
 tibus ac propinquis curam tuam iniungis, nec te post
 mortem tuam fideliter redimet, quia in vita tu te re-
 dimere noluiſti. Depone iam auaritiæ ſarcinam de
 ceruicibus tuis: contemne crudeliſſimam dominam;
 quæ dum te iugo durifſimo premit, iugum Chriſti ſu-
 ſcipere non permittit. Sicut enim iugum auaritiæ in
 infernum premere; ita iugum Chriſti in cælum leua-
 re conſuevit. Et hæc quidem Auguſtinus. Sed lon-
 gè clariùs hoc idem res ipſa probat. Quis enim nõ
 videt vos vix ad decimam partem eorum fructuũ,
 quos maiores veſtri munificentiffimè à Deo per-
 cipiebant, reuocatos eſſe? Itaque ipſa decima par-
 te vos contentos eſſe oportet. An neſcitis, quòd
 Deo dicatum quid apud ſe retinere, domique ſue
 conſeruare, anathema eſt, quod & te, & omnem
 poſſeſſionem tuam exurat? Quid autem & quale
 ſit hoc anathema, diſcite ex ſcriptura. *Filij autem*
Iſràel præuaticati ſunt mandatum, & uſurpauerunt
de anathemate. Nam Achan, filius Charmi, filij Za-
bedi, filij Zare de tribu Iuda, tulit aliquid de anathe-
mate: inatusq; eſt dominus contra filios Iſràel. Cùmq;
mitteret Iofue de Iericho viros contra Haj, quæ eſt
iuxta Bethauen, ad orientalem plagam oppidi Bethel
dixit eis: Ascendite, & explore terminum. Qui præ-
 cepta

Iofue 7.

cepta complentes explorauerunt Haj. Et reuersi dixerunt ei : Non ascendat omnis populus, sed duo vel tria millia virorum pergant, & deleant ciuitatem : quare omnis populus frustra vexabitur contra hostes paucissimos ? Ascenderunt ergo tria millia pugnatorum. Qui statim terga vertentes, percussi sunt à viris urbis Haj, & corruerunt ex eis triginta & sex homines ; persecutiq; sunt eos aduersarij de porta vsq; ad Sabarim, & ceciderunt per prona fugientes : pertimuitq; cor populi, et ad instar aquæ liquefactum est. Iosue verò scidit vestimenta sua, & pronus cecidit in terram coram arca Domini usque ad vespertinam, tam ipse, quàm omnes senes Israël : miseruntq; puluerem super capita sua, & dixit Iosue : Hec Domine Deus, quid voluisti traducere populum istum Iordanem fluium, ut traderes nos in manus Amorrhæi, & perderes ? Utinam ut cæpimus mansissemus trans Iordanem. Mi Domine Deus, quid dicam, videns Israël hostibus suis terga vertentē ? Audient Chanaanæi, & omnes habitatores terræ, & pariter conglobati circumdabunt nos, atque delebunt nomen nostrum de terra : & quid facies magno nomini tuo ? Dixitq; Dominus ad Iosue : Surge, cur iaces pronus in terra ? Peccauit Israël, & præuaricatus est pactum meum : tuleruntq; de anathemate, & funati sunt, atq; mentiti, & absconderunt inter vasa sua. Nec

M

poterit

poterit Israël stare ante hostes suos, eosq; fugiet: quia
 pollutus est anathemate, non ero vltra vobiscum, do-
 nec conteratis eum, qui huius sceleris reus est. Surge
 sanctifica populum, & dic eis: Sanctificamini in cra-
 stinum; hæc enim dicit Dominus Deus Israël, ana-
 thema in medio tui est Israël: non poteris stare conum
 hostibus tuis, donec deleatur ex te, qui hoc contami-
 natus scelere. Accedetisq; mane singuli per tribus
 vestras: et quamcunq; tribum fors inuenerit, accedet
 per cognationes suas, & cognatio per domos, domusq;
 per viros. Et quicumq; ille in hoc facinore fuerit de-
 prehensus, comburetur igni cum omni substantia sua:
 quoniam prevaricatus est pactum Domini, & fecit
 nefas in Israël. Surgens itaque Iosue mane, applicu-
 it Israël per tribus suas, & inuenta est tribus Iuda.
 Quæ cum iuxta familias suas esset oblata, inuenta est
 familia Zare. Illam quoq; per domos offerens, repe-
 rit Zabdi, cuius domum in singulos diuidens viros, in-
 uenit Achan filium Charmi, filij Zabdi, filij Zare, de
 tribu Iuda. Et ait Iosue ad Achan: Fili mi, da glo-
 riam Domino Deo Israël, & confitere, atq; indica
 mihi, quid feceris, ne abscondas. Responditq; Achan
 Iosue, et dixit ei: Verè ego peccaui domino Deo Isrà-
 èl, & sic & sic feci: vidi enim inter spolia pallium
 coccineum valde bonum, & ducentos siclos argenti,
 regulamq; auream quinquaginta siclorum; et concu-
 piscens

*piscens abstuli, & abscondi in terra contra medium ta-
 bernaculi mei, argentumq; fossa humo operui. Misit
 ergo Iosue ministros: qui currentes ad tabernaculum
 illius, reppererunt cuncta abscondita in eodem loco, &
 argentum simul. Auferentesq; de tentorio, tulerunt
 ea ad Iosue, & ad omnes filios Israël, proieceruntq; an-
 te Dominum. Tollens itaq; Iosue Achan filium Za-
 re, argentumq; & pallium, & auream regulam, fili-
 os quoq; & filias eius, boues, & asinos, & oues, ipsum-
 q; tabernaculum, & cunctam suppellectilem (& om-
 nis Israël cum eo) duxerunt eos ad vallem Achor, v-
 bi dixit Iosue: Quia turbasti nos, exturbet te Domi-
 nus in die hac. Lapidauitq; eum omnis Israël: et cun-
 cta quæ illius erant, igne consumpta sunt. Congrega-
 ueruntq; super eum aceruum magnum lapidum, qui
 permanet vsque in præsentem diem. Et auersus est
 furor Domini ab eis. Vocatumq; est nomen loci illius
 Vallis Achor, vsque hodie. An nescitis Ecclesiastica
 bona, vel aquilarum, vel luporum, pennis aut pel-
 libus simillima esse? quæ permista alijs pennis aut
 pellibus se primùm, deinde omnes alias pennas at-
 que pelles, cum quibus miscentur, consumere so-
 lent. Sic Dei possessio permista humanæ posses-
 sioni, vtraque simul consumit; quod ita euenire in di-
 es videmus, vel ex horum ipsorum Pontificum at-
 que sacerdotum maioribus quàm infirmæ & insta-*

1. Reg. 5.

1. Reg. 6.

Danielis 5.

biles sint hæc ex bonis Ecclesiasticis comparatę facultates discimus : ita vt nunquam ex illis tertium gaudere hæredem cernamus. Abusus enim & prophanatio, ac irreuerentia rerum, semel Deo dedicatarum, semper mortalibus exitiosa fuit. Vbi Arca Domini ad Philisteos fuit perlata, quę & qualia mala secum attulerat, quas clades & turbas dederat, tradit scriptura. *Aggnuata est autem manus Domini super Azotios, & demolitus est eos : & percussit in secretiori parte natium Azotum, et fines eius. Et ebullierunt villę & agri, in medio regionis illius, & nati sunt mures, & facta est confusio mortis magnę in ciuitate.* Et iterum. *Percussit autem Dominus de viris Bethsamitis, eò, quòd vidissent arcam domini : et percussit de populo septuaginta viros, et quinquaginta milia plebis. Luxitq; populus eò, quòd Dominus percussisset plebem plaga magna. Et dixerunt viri Bethsamitę: Quis poterit stare in conspectu domini Dei sancti huius ? & ad quem ascendet à nobis ? Miseruntq; nuncios ad habitatores Cariathiarim dicentes: Reduxerunt Philistim arcam Domini, descendite, & reducite eam ad vos. Profanatio sacrorum vasorum, quàm exitiosa fuerit Balthasari Regi, testis est eadem scriptura. *Balthazar rex fecit grande, inquit, conuiuium optimatibus suis mille: & vnusquisq; secundum suam bibebat ætatem. Præcepit ergo**

cepit ergo iam temulentus, ut afferentur vasa aurea
 & argentea, quæ asportauerat Nabuchodonosor pa-
 ter eius de templo, quod fuit in Hierusalem: ut bi-
 berent in eis rex & optimates eius, uxoresq; eius, &
 concubinæ. Tunc allata sunt vasa aurea, quæ aspor-
 tauerat de templo, quod fuerat in Hierusalem: & bi-
 berunt in eis rex, & optimates eius, uxores, & con-
 cubinæ illius. Bibebant vinum, & laudabant deos
 suos aureos et argenteos, æreos, ferreos, ligneos ꝑ, &
 lapideos. In eadem hora apparuerunt digiti, quasi ma-
 nus hominis scribentis, contra candelabrum in super-
 ficie parietis aulæ regię: & rex aspiciebat articulos
 manus scribentis. Tunc facies regis commutata est, et
 cogitationes eius conturbabant eum: & compages re-
 num eius soluebantur, et genua eius ad se inuicem col-
 lidebantur. Et eadem nocte interfectus est Baltha-
 zar rex Chaldeus, & Darius Medus successit in re-
 gnum, annos natus sexaginta duos. Est enim & di-
 citur Deus, zelotes, id est, qui in societatem rerum
 suarum non facile admittit quenquā: vnde de vn-
 guento & Thymiamate, quod templi sui causa cō-
 fici voluerat, illam fert legem: Caro hominis nō vn- Exodi 30.
 getur ex eo, & iuxta compositionem eius non facietis
 aliud, quia sanctificatum est, & sanctum erit vobis.
 Homo quicumque tale composuerit, & dederit ex eo
 alieno, exterminabitur de populo suo. Non erat hoc

obscurum etiam infidelium gentium regibus. Itaque Alexander Macedo, ne aspicere quidem templum, resque templi Dei voluit. Arthaxerxes autem summo cum honore vasa templi, quæ maiores sui inde asportarant, remitti curauit: qua de re scribit ad Esdram Sacerdotem, cui hoc totum commiserat negocium, in hunc modum. *Omnia, inquam, secundum legem Dei fiant Deo altissimo, ne fortè exsurgat ira in regno regis, & filij, & filiorum eius: offerantur libationes summo Deo pro rege & pueris eius: oretur pro vita ipsorum.* Idem igitur & nos faciamus, excutiamus domos nostras, excutiamus arcas nostras, horrea nostra, & videamus, num anathema in eis non sit: num hic ignis omnia consumens ac vsq. ad perditionem deuorans & eradicans genimina, alicubi non lateat: num aliquid per rapinam, aut sacrilegium, aut simoniam quæsitum nõ sit. Si enim ille non sperat se veniam consequi posse, etiam si salutem ipsam domi suæ habeat, qui dicit: Si quem defraudaui, reddo quadruplũ, nisi sua iustis dominis restituat; quanto minus, si DEum ipsum, templumque eius defraudasset? in quod, vt vel vnum teruncium cum vidua illa paupere inferre, magnæ laudis est; ita inde vel vnum denarium auferre, res plena periculi & impietatis.¹ Tuam inquis causam, dum hæc defendis, agis. Non meam verò: nam me quidem Deus immortalis, &

hic rex

3 Esdræ c. 8.

Luca 19.

hic rex meus, dare potius, quàm accipere decimas fecit. Ergo istorum Pontificum, principumq. Sacerdotum? ne istorum quidem tantopere: nam & ipsi Dei gratia habent vnde viuant, & vnde vos ipsos beent, vt satiati pane illorum conuertamini in eos. Quorum igitur? illorum, inquam, Sacerdotum ac Presbyterorum, qui peccata vestra quotidie comedunt: qui aliam partem, vt inquit Dominus, inter vos non habent: qui in sudore vultus sui quærunt panem suum: quibus sua nō reddere hominem occidere est. Sed quæ tandem causa est, cur primitias, aut decimas frugum Deus potissimum sibi offerri voluit, easque peculiariter exigit? an quod ille non nisi ex benè quæsitis, laboreque paratis honorari vult, in partem enim meretricij questus, inquit scriptura, sanctus non venit: porro sola agricolatio, atque peccuaria, non modo in sacris scripturis, sed etiam in ethnicorum monumentis, tanquam iustissima quærendi ratio cōmendari atque laudari solet.



REDDITE IGITUR QUÆ SVNT
CÆSARIS CÆSARI, ET QUÆ
DEI DEO. *Et pax, atq. Compositio co-
hærebit: nec Aloidæ duri, qui cum dijs
aliquando pugnasce dicuntur, esse velitis: neue sitis
immaniores cunctis gentibus, barbarissimis etiam, quæ
semper*

- Semper & ubique dijs suis falsis, etiam partem suam reddiderunt. Quin in hoc potius Dei gratiam recognoscatis, illiq; immortales gratias agatis; quod vos dare potius, quàm ab alijs petere dignatus est; quod locupletas & fixas sedes habentes potius, quàm vagos & mendicos; liberos & gaudentes, quàm seruos & mœrentes; sanos ac alijs mutuantes, quàm ægros & oberratos, benigna sua misericordia esse voluerit: in hocq; benignam eius beneficentiam agnoscatis. Cogita, quanti te redimere iustum esset; ne illam tristissimam simul & iustissimam sententiam iudicis audiat:*
- Matth: 25.* *Discede à me serue nequam, & ignaue. Et illa:* Auferte ab illo talentum. *Et illam:* Vincitis pedibus eius, & manibus. *Et illam:* Discedite à me omnes, qui operamini iniquitatem: non noui vos. *Quanta item pecunia illud comparet libenter quis, vt illam vocem audiat:* Venite benedicti patris mei.
- Matth: 25.* *Et illam:* Serue bone & fidelis, super pauca fuisti fidelis, supra multa te constituam, intra in gaudium Domini tui: Recumbe cum Abraam, Isaac, & Iacob in regno cœlorum? *Neque tantùm ea, quæ Dei sunt, Deo eiusq; ministris reddatis; sed læti etiam & alacres, perfectò corde & animo, cum illa pulcherrima professione reddatis:* Profiteor hodie coram Domino Deo tuo, quod ingressus sum in terram, pro qua iurauit patribus nostris, vt daret e-
- Deuter: 26.*
- amno

eam nobis. Suscipiensq. sacerdos cartallum de manu eius, ponet ante altare domini Dei tui: & loqueris in conspectu Domini Dei tui. Syrus persequabatur patrem meum, qui descendit in Aegyptum, & ibi peregrinatus est in paucissimo numero: creuitq. in gentem magnam, ac robustam, & infinitæ multitudinis. Afflixeruntque nos Aegyptij, & persecuti sunt, imponentes onera grauissima: & clamauius ad dominum Deum Patrum nostrorum, qui exaudiuit nos, & respexit humilitatem nostrā, & laborem, atque angustiam: & eduxit nos de Aegypto in manu forti, & brachio extento, ingenti pauore, in signis atque portentis: & introduxit ad locum istum, & tradidit nobis terram, lacte & melle manantem. Et idcirco nunc offero primitias frugum terræ, quam Dominus dedit mihi. Et dimittes eas in conspectu Domini Dei tui, & adorato Domino Deo tuo, epulaberis in omnibus bonis, quæ Dominus Deus tuus dederit tibi, & domui tuæ, tu, & Leuites, & aduena, qui tecum est. *Quod eo pleniore ac perfectiore animo, & professione facere debetis, quantò maiora vos, quàm illi, à Deo vestro accepistis beneficia: vt qui nō de manu Pharaonis, sed de manu diaboli; non ex Aegyptiaca captiuitate, sed ex mortis, et dñationis seruitute liberati, in ætern. i. hereditatis sortem, ac in regni cœlestis partē, vt heredes*

℟

quidem

quidem Dei, cohæredes autem Christi sitis, vocati estis. Nam etsi nos quidem ministri templi, digna factis nostris, dum à vobis diuexamur, patimur, qui his bonis sæpius profusè ac insolenter abusi sumus, atque etiam nunc abutimur; qui eam in prophanos usus plerumque conuertimus; qui denique in luxum et libidinem, in vosq; ipsos, in præiudicium pauperum & orphanorum, cultusq; diuini, conferimus. Hic autem Iesus Christus, qui ante oculos vestros in cruce hac pendet, quid fecit? quid commeruit? qui vos his manibus pro vobis transfixis creauit: qui sanguine suo preciosissimo redemit: qui in gentem magnam crescere fecit: qui per tot periculosissima tempora, & interregna custodiuit: qui Regem nobilissimum, et cui in diebus suis non est similis, vobis præesse voluit: qui tot victorias, arces, portus, integris prouinciis vno tempore adiecit: qui pacem optatissimam, ac ex omnibus, quæ in orbe Christiano hoc tali tempore exstiterunt, pulcherrimam vobis donauit: quæ vos in brachijs istis suis portat; et utinam eternum portet, iste inquam, quid promeruit, aut quid mali fecit, ut cum parte sua, hæreditate sua, sorte sua, inter vos priuatim esse velitis? Aut hæc ipsa sponsa eius, quæ ex hoc ipso latere eius profluxit; quæ vos regno cælesti, vitæ quæ eternæ, in lauacro fontis regenerauit; quæ in fide Christiana instruxit, in qua, quam diu manetis, Christiani estis; quæ singulis

COMPOSITIO.

92.

gulis annis, cibo & potu Corporis & sanguinis IESU
 Christi, sponsi sui, volentes reficit; quæ sacramentis
 condit, orationibus Deo commendat, doctrina fouet,
 mortuos denique intra sinus & brachia sua suscipit, ac
 plane humeris suis in cœtum sanctorum deportat: ut
 ei dotem suam ereptam esse velitis? Et fuit quidem in
 veteri more apud omnes ferè gentes positum, ut parta
 victoria, profligatis hostibus, post pacem redd. tam spo-
 lia in templa deorum immortalium inferrent: aras, et
 templa, præda exornarent: trophæa dijs suis erige-
 rent. Quod & illa nobilissima pectora, Deo vero fe-
 cisse leguntur, de quibus scriptum est: Cumque Numeri 31.
 accessissent principes exercitus ad Moysen, & tri-
 buni, centurionesque, dixerunt: Nos serui tui re-
 censuimus numerum pugnatorū, quos habuimus
 sub manu nostra: & ne vnus quidem defuit. Ob
 hanc causam offerimus in donarijs Domini singuli
 quod in præda auri potuimus inuenire, perisceli-
 des, & armillas, annulos, & dextralia ac murænu-
 las, vt deprecereis pro nobis Dominum. Suscepe-
 runtq. Moyses, & Eleazar sacerdos, omne aurum
 in diuersis speciebus; pondo sedecim millia, septin-
 gentos quinquaginta siclos, à tribunis & centurio-
 nibus. Vnusquisq. enim, quod in præda rapuerat,
 suum erat. Et susceptum intulerunt in tabernacu-
 lum testimoniū, in monumentum filiorum Israël, co-

N ij

ram Do-

ram Domino. Vos soli adeò inhumani, adeò ab omni sensu numinis diuini alieni eritis; vt post tot bella, post tot victorias, post tantas res gestas, post tot Dei immortalis beneficia, pro eo, quod aliquid in templum Dei & Christi sui inferre debebatis, altaria eius spoliabitis? templa & fana ad vastitatem reuocabitis? sacerdotes eius, fame & inopia extinguì patieminì? quæ aliorum pietate & munificentia sunt donata, ipsi cupide auferetis? hæccine est pietas? hiccine gratus animus? hoccine euangelium docet? Verum hæc hætenus. Nunc finem dicendi audiamus omnes.

Sic eam Compositionem fratres, et patres, charissimi vtrunque aggredimini, non tanquam Domini, & hæredes earum rerum, de quibus inter vos componere debetis; sed tanquam ministri atque dispensatores sitis: non tanquam de re vestra, aut possessione vestra componatis; sed tanquam de sorte & parte Dei viuentis; de hereditate Christi Domini; de dote Ecclesie sancte, matris vestrae; de cultus diuini ac christianæ religionis instrumentis ac subsidijs; de victu pauperum; de vltimis item voluntatis ac pietate maiorum vestrorum constituere debeatis: & tanquam eius ipsius Compositionis exactam aliquando rationem ante tribunal Iudicis viuorum & mortuorum Christi, totiusq. posteritatis, reddituri sitis. Quomodo apud posteros quidem vestros pro infamia æternum decus
& grati-

& gratiarum actionem, apud autem Deum pro da-
 mnatione præmium sempiternum referre mereami-
 ni; & prout ipsi vultis, ut item ille ipse summus &
 nouissimus procurator, rerum omnium Deus, de ve-
 stra item hæreditate, hæredibusq; vestris post mortem
 vestram statuatur: & videte ne transferatis terminos
 æternos, quos constituerant patres vestri, omnemq;
 inuolutionem suspectam habete. Neue eas decimas
 partemq; hæreditatis Christi, quam nunc Deo vestro,
 Christo vestro, pendere recusatis, illi post reddere co-
 gamini, cui minimè velitis: neque ex aliqua frumen-
 torum vestrorum parte tantum; sed ex ipsis filiis & fi-
 liabus vestris, ut seruiant in mendicitate & ferro,
 ut pertranscat ferrum animam eorum, ut robur &
 præsidium contra parentes patriamq; suã potentis ty-
 nanni sint. Quod quidem iam multa Christiana
 regna, multas prouincias, ob eandem impietatem ex-
 periri, gemit populus Christianus; ut seruiatis Regi
 Nabuchodonosor, et sciatis distantiam seruitutis Dei ^{Isaie 16.}
 & seruitutis regis terrarum: diligit enim Dominus
 Iudicium, & odio habet rapinam in holocausto.

Quod ne oculi nostri videant unquam,
 Deum immortalem, Christumq;
 eius, supplex deprecor.

Laus CHRISTO Domino..

GRATIARVM ACTIONES IN
PRIMITIVA ECCLESIA HABERI SO-
lite, pro comportatis primitijs atque deci-
mis, ex lib: 8. Constit: Aposto: cap: 40.

Gratias agimus tibi Domine omnipotens, om-
nium effecter T gubernater, per unigenitum fi-
lium tuum, Christum Dominum nos trum, pro ob-
latis tibi primitijs, non quantas debemus, sed quantas pos-
sumus. Quis enim hominum potes t meritas gratias a-
gere pro ijs, quæ ipsis ad participandum dedisti, De-
us Abraam, Isaac, T Iacob, T omnium sancto-
rum qui cuncta uerbo tuo, ad maturitatem perduxisti, T
omnis generis fructus, ad lætitiā T alimentum no-
strum, terræ insisti esse fundere: qui dedisti mollio-
ribus, T lactantibus succum lactis, herbivoris her-
bam, alijs carnem, alijs semina, nobis uerò frumentum
ad alendum idoneum et accommodatum præbisti: ac
multa alia, partim ad usum, partim ad sanitatem, par-
tim ad obse-

tim ad obsecrationem. Præter hæc igitur omnia, superas omnes laudes, propter beneficium à te in nos collatum, per Christum, per quem tibi gloria, honor, T ueneratio, et Sancto Spiritui, in secula, Amen.

Oretur pro authore.



IBLIOTH. UNIV.



JAGELLONICAE

Xmo

81

